



सानसेयारि 'बड'सा' खौरांलाइयाव
सनाज्यादि जिज्जो लोब्बा थानाय रायथाय, खन्थाय,
सल', सल'बाथा आरु बावबायारि थावनि, पार्क
बाइदिने स्यायव लिन्नाय लिन्नाय दैथाय ठरु!
सानसेयारि 'बड'सा' खौरांलाइया खेबखानानै
फोखावगोव।
बड'सायाव लिन्नायानि हुबा खालाम,
'बड'सा' खौरांलाइया आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 27 March, 2024 Kokrajhar, BTC, Assam ★ Vol.- 34, Issue No. 3 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

मिरु मन्थि सर्बानन्द सनवाल आरु एमपि गौरब गगैआ नमिनेसन लाइ गथायबाय

फैगौ 2026 सिमाव आसामाव कंग्रेसनि रावबो दैदेनगिरि थाहैनाय नडः गिबि मन्थि शर्मा



गुवाहाटी, 26 मार्च: फैगौ लकसभा बिसायख 'थिनि सिगां समाव राइज्योनि गेजेरावबो जरहात लकसभा बियाबआ बयनिखुइबो बांसिन सावरायजादों। जरहातयाव आथिखालनि एमपि तपन गगैनि हेथायै बियाबआव लकसभानि

बेरेखा दोलोनि लेडइ दैदेनगिरि गौरब गगैआ बादायलायगोन। सरासनसायै बेबायदि थासारियाव बयनिबो नोजोराव गोगलैदों जरहातनि राजखाथियारि बादायलायनायनि सावगारिया। बियाबआव बिसायख 'थि बादायलायनायनो

थाखाय दिने माखासे अन्जिमानि हेफाजाबगिरिफोरनि नुजाथि फेनायाव एमपि गौरब गगैआ नमिनेसन बिलाइखौ थिसनो। कंग्रेसनि दैदेनगिरिखौ नमिनेसनलाइ थिसन्याय समाव दोलोनि आफादगिरि भुपेन बरा, लेजिसलेटिभ दोलोनि दैदेनगिरि

देबबत शइकिया, रकिबुल हुसेइनजों लोगोसे माखासे कंग्रेसनि दैदेनगिरिफोर हेफाजाब होफेदों। लोगोसेनो राइजर दलनि आफादगिरि आरु शिबसागइनि एमएलए उखिल

गगै आरु सिपिआइनि दैदेनगिरि कनक गगैआबो गौरब गगैजों लोगोसे बाहागो लाफेनानै थुलुंगाखां होफेदों। नमिनेसनलाइ थिसन्याय गौरब गगैआ बे (□ 5 बिलाइआव)

गुवाहाटी, 24 मार्च: 'फैगौ 2026 माइथायसिमाव आसामाव रावबो कंग्रेसनि दैदेनगिरि थानाय नड'। बे बाभ्राखौ बुंदों आसामनि गिबि मन्थि हिमन्त बिश्व शर्माया। दिने मोनसे हाबाफारियाव गिबि मन्थि उ हिमन्त बिश्व शर्माआ बाहागो लानानै बे बाभ्राखौ बुडो। गिबि मन्थिआ कंग्रेस दोलोखौ थांखि लानानै बुडोदि, कंग्रेसनि राइज्योआव थानाय गासैबो गाहाइ दैदेनगिरिफोर बिजेपियाव हाबगोन। कंग्रेसनि एमपि राहुल गान्धीनि इयुनआ खोमसियाव दंसै होन्नाबो बिथाइ दाबि देखांदों। बेजों



लोगोसेनो 2026 सिमाव आसामाव बयनिखुइबो गोजामसिन पार्टी कंग्रेसआ जोबसांगोन। कंग्रेसनि आफादगिरि भुपेन कुमार बराया

2025 नि जानुवारीयाव बिजेपियाव हाबगोन। बिथानि थाखाय मोनै बिसायख 'थि बियाबखौ थि खालामनाय जादों (□ 5 बिलाइआव)

लुरिनज्यति गगैआ भारतनि जुथाय दोलोनि बिजाथि महैर नमिनेस लाइ गथायबाय

गुवाहाटी, 26 मार्च: आसामाव लकसभा बिसायख 'थिखौ लानानै साखा-फाराया फारियै बांनो लाबाय। बिसायख 'थि बादायलायनायाव ओंखानो थाखाय दिने साथाम गोजौ थाखोनि दैदेनगिरिफोर नमिनेसनलाइखौ थिसनबाय। बिसोरनि गेजेराव आसामनि बारा' गिबि मन्थि, मिरु मन्थि सर्बानन्द सनवाल, एमपि गौरब गगै मोननि उनावनो दिने नमिनेसलाइ थिसन्याय फैगौ लकसभा बिसायख 'थियाव बयनिबो नोजोराव थानाय गुबुन



सासे सावरायजानाय दैदेनगिरिआ आसाम जातिय परिषदनि आफादगिरि लुरिनज्यति गगैआ। INDIA हान्जानि गनायथि

जानाय बिजाथि महैर जुथाय दोलोनि बाहागो थानाय दोलोफोरनि गोबां अन्जिमानि (□ 5 बिलाइआव)

सालबारि, 25 मार्च: 'नै दानल' दड', प्रमद बर'आ आरु गैलिया। नै दाननि उनाव दोलोयानो थानाय नड। आं 17 बोसोराव मावनो हायै डबुल स्पिड प्रेकारखौ प्रमद बर'आ ब्रै बोसोराव गायसनबाय।' बे बाभ्राखौ बुंदों बिटिसिनि बारा' गाहाइ खुंगिरि आरु बिपिएफनि आफादगिरि हाग्रामा महिलारीआ। दिने बाकसा जिल्लानि सालबारि महकुमा आरु मानास बिधान सभा बियाबनि सिडाव थानाय नलपारा बाथी मन्थिराव खुंनय मोनसे मेलाव बाहागो लानानै हाग्रामा महिलारीआ इउपिपिएल



आरु प्रमद बर'खौ गोखां रवजों सांखारिनानै बे बाभ्राखौ बुडो। महिलारीआ बुडोदि, '17

बोसोराव आं मावनो हायै खामानिखौ प्रमद बर'आ ब्रै बोसोराव मावकुंदों होन्ना

बुंबोदों। ब्रै बोसोराव मावनाय बे खामानियानो जादों स्पिड ब्रेकार लुनाय। प्रमद बर'आ कक्राझारनिफ्राय कारिगावसिम थंग्रा लामायाव डबुल स्पिड ब्रेकार गायसदों। बे खामानिखौ आं मावकुंनो हायाखैमोन।' बिथाडा बुडोदि, कक्राझार लकसभा बियाबव बिपिएफ दोलोया 1 नम्बरआव थागोन आरु दोलोनि बिजाथिया 2-3 लाख भटनि फारागथिजों देरहागोन। कक्राझार लकसभा (□ 5 बिलाइआव)

जरेगावयाव बिहु-बिषुवा फालिनो लाहार-फाहार, बान्जाय आफाद दादों

बासुगाव, 26 मार्च: आसामनि माहारियारि आंगोनि बिहु (बैसागु, बिषुवा) फोर्बोखौ लोब्बा लानानै कक्राझार जिल्ला सालाकाटि पुलिस बादनि सिडव थानाय जरेगावयाव फालिनो थाखाय लाहार-फाहार जादों। गामिनि गाहाइ आफाद जरेगाव किरन संघनि बान्जायनायाव असमीया माइथाय चैत्र दाननि जोबथा आरु बैसाग दाननि गिबि अक्टखौ लानानै सानै नाडै बिहु-बिषुवा फोर्बोखौ फालिनो थि खालामनाय जादों। (□ 5 बिलाइआव)

150 निफ्राय 312 रंसिम जौ बिलिटानि बेसेना बांगोन!



गुवाहाटी, 26 मार्च: निसा जाथोनि जौ बिलाटिखौ लानानै मोनसे खौरां सोराइव फेदों। मख'नो गोनादि, आसामाव फैगौ 1 एप्रिलनिफ्राय जौ बिलाटिनि बेसेना बांगोन। जेराव 150 निफ्राय 312 रंसिम जौनि बेसेना बांगोन। बेसेन बांगोनखौ लानानै सुलुडव फोरमायनाय बायदिथै जेनेरेल ब्रेन्डनि 750 मिलि लिटारनि जौयाव 152 रंसिम बांगोन। रेगुलार ब्रेन्डनि 750 मिलि लिटार जौयाव 130 रंसिम बांगोन। बेबायदिनो लाकजारि ब्रेन्डनि 750 मिलि लिटार जौयाव 175 रंसिम बांगोन। एलिगेन्ट ब्रेन्डनि 750 मिलि लिटार जौयाव 225 रंसिम बांगोन। प्रिमियाम ब्रेन्डनि 750 मिलि लिटार जौयाव 312 रंसिम बांगोन। गासै 750 मिलि लिटार बियाराव 16 रंसिम बांगोन। □

भवानिपुराव दौल फोर्बोआ थुंगेलांबाय



भवानिपुर, 26 मार्च: जारिमिनारि भवानिपुर सत्रयाव सानथाम नाडै खुंनय दौल फोर्बोआ दिने जाफुंसारै थुंगेलांबाय। दिने फुं समाव

सत्रयाव सानथामबो सिबिथाय बावनायनि उनावनो 9:00 रिगायाव गसायखौ दौलनिफ्राय गाहायाव दिहुन्नाय जायो। दोरोडरि हलीदेंखो रोजाबनाय,

नाम किटन सिबिथाय बावनानै शंख, बरकाह, दबा, मृदंग', भरटल, नागारनि गोमखानायजों सिबियारिफोर गसाय दौलखौ गाहायाव लाबोयो। बेनि

उनावनो 3 घन्टासो नाडै रइजो-राजाफोर गेवलाडै हलीदेंखो रोजाबनानै सत्र लांगोनायाव हलीदेंखोजों थासारिखौ गोमखां होयो। भवानिपुर बिधान सभा बियाबनि एमएलए पनिधर तालुकदारबो गेवलां हलीदेंखो रोजाबनायाव बाहागो लाफेदों। साननि 2:00 रिगानिफ्राय गासै 2:00 घन्टा नाडै गेदेर भवानिपुरयाव रोजा-रोजा राइजो-राजाफोरा गसायखौ लानानै लामा हान्जा सुरो। बेनि उनाव बेलासियाव फिन गसायखौ सत्रयाव गायसफैफिन्नाय जायो। गुबुन फारसे सानथाम नाडै खुंनय दौल फोर्बोयाव मैया सान समाव (□ 5 बिलाइआव)

सालबारिआव सारअन्थाइ गावनायजों सासे उदै हिन्जावसानि जिउ गोमादों, गुबुन सानै जोखोम

भवानिपुर, 26 मार्च: सालबारि महकुमानि बासबारि पुलिस थानानि सिडव थानाय सुनवारि गामियाव दिने सानअन्थाइ गावनायाव सासे उदै हिन्जावसानि जिउ गोमानायजों लोगोसे सानै गथ'साफोरा गोब्राबै जोखोम जायो। मख'नो गोनादि दिने फुंनि 9 रिगायाव अखा हानायजों सारअन्थाइ गावनाय समाव सुनवारि गामिनि थागिरि आलि हुसेइननि फिसाजो इयासमिना खातुन (12), शुक्रु आलिनि



फिसाजला आबुल मानान (10) आरु आबुल खलिलनि फिसाजला हालिम उद्दिन (9) साथामबो गथ'साफोरा गामिनि खाथियाव थानाय बेकि दैसा सेराव बोरमा लायनो थानाय समावनो सारअन्थाइ गावो।

सारअन्थाइ गावनायनि जाउनाव साथामबो गोब्राबै जोखोम जानाय साथामबो गथ'साफोरखौ बरपेटा रडनि एफआरइउ देहा फ। ह। म। स। ल। य। व (□ 5 बिलाइआव)

कदैगुरिआव मेहेर गोनां हाबाफारिजों दौल फोर्बो खुंदों



भवानिपुर, 26 मार्च: भवानिपुर बिधान सभा बियाबनि सिडव थानाय जारिमिनारि कदैगुरि गामिनि बंसि गपाल नाम न'नि लांगोनायाव सनथामनि हाबाफारि खुंनय दौल फोर्बोआ दिने खुंफुंजायो। मख'नो गोनादि, दिने फुंबिलियाव आसार-खाथियारि नेम-खाथि नाम-किटनजों गसाइखौ (□ 5 बिलाइआव)

दुलाराइ बर्मन कशारि जातिय ऐक्य मन्चनि खौरांगिरि मेल

कलाइगाव, 26 मार्च: दिने भेरागवनि किडस हम गावआरि सोलेंथाइ फसंथानाव दुलाराइ बर्मन कशारि जातिय ऐक्य मन्चनि बान्जायनायाव मोनसे खौरांगिरि मेल खुंनय जायो। बे खौरांगिरि मेलाव मिरु आफादनि आफादगिरि दिलिप बर्मन आरु नेहाथारि सन्जब बर्मनआ दर-उदालगुरिआव (□ 5 बिलाइआव)



सुजुगिरिनि खोलोम



खामानि आरो अर्जिनार्यनि बिथांखि

मोनसे ओन्सोल जौगाखानो थाखाय गोबां खामानि मावनो गोनां जायो। खामानिफोर नख र जौगाखानि हाबा एबा राइजोयारि हाबाफोर जेरै- लामा-दालांनिक्राय लानानै आबादथिलियाव दै सारनाय, आबादयारिफोरनि मोजां गोगो बेगर जौलै, हासार बाइदि जगायनानै होनाय देहा सिबिथायनि थाखाय गामि ओन्सोलफोरव फाहामसालि, फाहामथाय मिरु गायसनाय, हान्था-मेलानि राहा खालामनाय, सोलौंथाय फसंथानफोरखौ साबा हामना खालामनाय बाइदिसिना हाबाफोर दड। बेफोर जौगालु आरो सुबु अन्सायारि हाबाफोरा बिथांनि बानायग्रोनार्यनि उनावसो लुफु जानायखौ नुनो मोनो। बिथांखि लानानै बानायनाय हाबाफोरसो जाफुंसार महर मोनो, सोरसारथि गोनांबो जायो। बिथांखि गैयाब्ला जायखि जाया हाबाफोरनि खोमथा महर मोनो हाया, बबेयावबा नड बबेयावबा गोरौथि थालांनार्यनि लामा थायो। बिथांखि दानानै हाबा मावयोब्लासो गोरौथिखौ हमादोनो हायो आरो सिगांफोरव मावफलांनार्य गोरौथिखौ फोसावनानै मोजाडव लाबोनो गोलै लामा मोनगोन। जायखि जाया फिसा गिदित खामानिफोर मावनो लानार्यनि सिगां बिथांखि आजावनानै हाबा मावयोब्लासो न'बां लामा-दालां टाउन-सहरनि लामा-ड्रेइनफोर इयुनावबो जेना गैया जासे सोलिबाय थागोन। बिथांखि गैयालासे बानायनाय टाउन सहरनि लामा ड्रेइनफोर गोरोखोयारि जायैलाय एसे एसे हानाय अखा हादैजौनो लोमसावनानै दै बानानि महर लानायखौ जौं सम सम नुनो मोनफलायो।

दैज्लां बोथोरव एसे अखा हायोब्लानो दानि समाव गामिफोरवबो टाउन-सहरनि बादि दै लोमसावनानै बाना सोमजिनाय जौं नुनो मोनो। बेबो जौनि गोरौथि हाबा एबा इयुनखौ नायहरनानै मोजां बिथांखि लानो रोडैनि थाखायनो गामिफोरवबो टाउन सहर बादिनो एसे अखा हायोब्लानो बाना लोमसावनो हमाव। सिगां समफोरव नख 'फ्रोमनि सिमनाफोरव दै बोहैसार लांग्रा गारखाय जावनानै लानायमोन। आधिखालाव बेफोर गरखायफोर हा फबसिन जानानै जौखांबोनो गमबाय। जाडनाव दै बोहैगारलानो हाथैनि उसिफावनानै बाना जानायबो नुनो मोनबाय। बेखायनो इयुनखौ नायहरनानै गोरोखोयारि आदोबजौं गोगो बिथांखि लानानै हाबा मावनो लायोब्ला इयुनि थाखायबो मोजां जागोन।

बेबादिनो खामानि-दामानि गैयै लाइमोनफोर गोजानाव खामानि नागिर हेनानार्यनि सोलायै जायगायावनो मोनफा नड। मोनफा फिसा-फिसा दाव-अमा फाम, गला फसंनार्यनि बिथांखि आजावनानै फालांगिनि लामा लानो हागौ। जायगायावनो थानानै आर्जिनार्यनि लामा लानो हायोब्ला थानाय-फैलायनि खरसाआरिफोरबो गावनि सिफियावनो थांफिनगोन। खोनानो मोनो गोजान गुबुन राइजोयाव खामानि नागिर हेनानै गोबाडनो रंखावनि गारसे गारनानै समबो एरैनो खोमानांगौं जानानै फेयो। गोजाननि हाजोखौ सोमखोर आरो स्लिम नुहरो, नाथाय खाथियाव सौहैब्ला हावव हाथाव। बेबादिनो जायो जायगानिखौ नागरानानै गोजानाव मोजां नुहरनानै गोबांथार आर्जिनार्यनि मिजि थिहरनाया। गोसोनि थांखि आरो खामानि आरो आर्जिनार्यनि बिथांखिया थि जायोब्ला गोजानाव हाथा-हामा खामानि नागिरहेनार्यनि गोनांथि थाहैनाय नड।

दिनैनि फान्जामुथि

राशि बाइदियै मुंनि गिबि हांखो

मेघ : अल वृष : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : तर बुश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

मेघ: माखौबा लानानै गोसोआव गात्रि मोननाय सोमजिनो हागौ। जेखियानो जाया गोसोखौ हमाथा

वृष: गोजाम बेरामफोरजौं नाखेब जानो हागौ। देहाखौ सांग्राडै लाखि।

मिथुन: जेखियानो जाया जेनायाव गोल्लैबायनो हागौ। गोसो हमाथानानै सोलिनांगोन।

कर्कट: गोसोआव माखौबा लानानै गोजोननाय गैयै मोनो हागौ। जेखि जाया गोसोखौ हमाथा।

सिंह: जायखिजाया रं खरसा खालामनांगौया बांगोन। सानै-हयै खरसा खालामनाया गाहाम।

कन्या: माबाफोर गोथार खामानि मावनानै लानो हागोन। साननाय थांखिफोर जाफुंनो हागौ।

तुला: दिनैनि सानआव खस्थ' सैनानो हागौ। गोसोखौ हमाथानानै सोलिनांगोन।

बुश्चिक: बे राशिनि थाखाय अशुभ सम। गोथार खामानि मावनार्यनिफ्राय गोजानाव था।

धनु: लोगोनि अनलायनाया बांगोन। लोगोनिफ्राय माबाफोर मोनो हागौ। मुलाम्फा जागोन।

मकर: दिनैनि सानआ गोथार सान। मोजां खामानि मावनो हागोन। गोसोखौ गोजोन मोनगोन।

कुम्भ: गोबां खामानि-दामासि मावनानो हागौ। खस्थ'जौं सम बारहोनांगोन।

मीन: गोसोआव गुबुनखौ मुगैनाय सोमजिनो हागौ। बयजौबो गोरौबनो नाजा। गोसोनि साननाया जाफुंनो हागौ।

राजथावनि दिल्लीयाव बिदुडा 33 डिग्रिसिम सौहैबाय

गोदान दिल्ली, 26 मार्च : बे समाव हादतनाडै बयबो दोहो गोनाडै गावनि फोबौं हलिखौ फालिदौं। फारसेथिं बोथोरनि बिदुनि गोहोमाबो बांसिनै दिन्थिनो हमादौं। आधिखालाव राजथावनि दिल्लीयाव बिदुडा 33 डिग्रि सेल्सियासनि जौसिनआव सौहैबाय। थानाय सप्ताहयावनो बिदुडा लान्थियै बांसिन जाबोदौं। बोथोरबिफाना फौगौ माखासे सानआव बिदुडा आरोबाव 2-3 डिग्रिसिम बारायगोन होन्ना हमादौं। दिल्लीयाव मेक्सिमम बिदुडा बांनार्यजौं लोगोसेनो मिनिमम बिदुडाबो बांबोगासिनो थादौं, जेराव समबारखालि मेक्सिमम



अखा खोरोमनायजौं लोगोसे बाहुंखा आरो अखा हागोनखौ हमादौं। अरुनाचल प्रदेश, आसाम आरो सिक्किमआव फेनो गोनां सानैसिम जायगा जायगा रोजा अखा हानायजौं लोगोसे अखा मोफलामगोन आरो माबेबा जायगाफोरव बाहुंखा बारनोबो हागौ होन्ना

फोरमायदौं। फारसेथिं उरिष्याआव फौगौ सानथामनि गेजेराव बिदुडा 4 डिग्रि सेल्सियाससिम दावखोनो हागौ। बोथोरबिफाननि बायदिव्ला मेक्सिमम बिदुडा 2-4 डिग्रि सेल्सियाससिम आरो आरो मिनिमम बिदुडा 2-3 डिग्रि सेल्सियाससिम बारायनो हागौ। थानाय 24 घन्टायाव सोनाब उरिष्यानि बलंगिरआ बयनिखुडबो गरमसिन ओन्सोल महरै थिसनजादौं, जेराव मेक्सिमम बिदुडा 38.5 डिग्रि सेल्सियाससिम सौहैदौं। बेनि उनाव टिटलागडआव बिदुडा 38.2, मलकानगरीआव 38 आरो बारीपडयाव 37.4 डिग्रि सेल्सियास थिसनजायो।

कंग्रेसआ पलिन बिसायख'थि

ओन्सोलनिक्राय बिजाथिखौ सोलायदौं



गोदान दिल्ली, 26 मार्च : कंग्रेसआ लक सभा बिसायख'थिनि थाखाय गावसोरनि बिजाथिफोरनि 6 थि फारिलाइखौ थानाय समबारखालि फोसावना होयो। बेरफारसे पाचींआ अरुनाचल प्रदेश बिधान सभा बिसायख'थिनि थाखाय पलिन बिसायख'थि ओन्सोलनिक्राय गावसोरनि बिजाथिफोरखौ सोलाय-सोल' खालामदौं। कंग्रेसआ बे मासिनिक्राय तकम पारिय'नि जायगायाव तार जनीखौ बिसायख'थिनि फोथारव फसदौं। अखिल भारतीय कंग्रेस कमिटि (एआइसिसि)आ गांसे लाइजामनि गेजेरजौं बेनि खौरं होदौं। अखिल भारतीय कंग्रेस कमिटिआ बुनाय बायदिव्ला, कंग्रेसनि आफादगिरि मालिकार्जुन खड्गोआ 18-पलिन-एसटि बिधान सभा बिसायख'थि मासिनिक्राय अरुनाचल प्रदेश बिधान सभानि जानो गोनां सरासन्ना बिसायख'थिनि थाखाय पार्टीनि बिजाथि महरै तकम पारिय'नि जायगायाव तार जनीखौ बिजाथि खालामो। फारसेथिं पार्टीआ सोनाब अरुनाचल संसदारि मासिनिक्राय फौगौ लक सभा बिसायख'थिनि थाखाय अरुनाचल प्रदेशनि आगुनि गिबि मन्थि आरो एपिसिसिनि आफादगिरि नबाम तुकोखौ बिसायख'थिनि फोथारव फसडो। बेरफारसे आगुनि मन्थि बिसरम सिसरखौ सान्जा अरुनाचल संसदारि ओन्सोलनिक्राय बिजाथि फसडो।

आमेरिकायाव जाहाज सौग्रावनायनि उनाव दालां बायदौं

बाल्टीमोर, 26 मार्च : आमेरिकानि मेरीलेन्डआव गंसे कार्गो जाहाजआ सौग्रावनायनि उनाव फ्रान्सिस स्कटनि दालांआ बायदौं। निउयर्क टाइम्सनि बायदिव्ला, बे जाथाया आमेरिकानि सम बायदियै हर 1.30 रिंगासोआव सोमजिदौं। जाहाजआ दालांजौं सौग्रावनायनि उनाव अर नांदौंमोन। सिंगापुर्नि फिर्फिला गोनां जाहाजआ श्रीलंकानि राजथावनि कलम्ब'सिम थांगिसिनो दंमोन। जाहाज सामब्लायनाय कम्पानि सिनर्जी मरीन गुपआ बुंदौंदि, सा 2 पाइलटजौं लोगोसे गासैबो सा 22 कु फोरा भारतारिमोन। बिसेरनि गेजेराव रावबो जोखोम जायाखै। जाहाजआ दालांजौं सौग्रावनायनि जाडनाव जेबो रोखोमनि पलिउसनबो जायाखै। जाहाजआ फौगौ 22 एप्रि लाव श्रीलंकायाव सफैनायनि खोथा दंमोन। जाहाजनि मुड दाली होनना बुनाय जादौं। दालां बायनायनि जाडनाव गोबां गरि-मथर आरो



बेयाव थानाय सुबुंफोरा दैयाव गोर्लैलाडो। अर खोमोरग्रा बिफाननि बायदिव्ला दासिम सा 7 सुबुड गोमानानै दं, सा 2 सुबुंखौ दैनिक्राय दिहुननाय जाबाय। बिसेरनि गेजेराव सासेनि देहायारि थासारिया गोब्राब होन्ना नै बुंदौं। दैयाव गोर्लैनाय सुबुंफोरनि जिउखौ रैखा खालामनो थाखाय

दंमोन आरो बिसेरो दा मा थासारियाव दं। ब्लुमबार्गनि मोनसे रिपर्टनि बायदिव्ला, मेरीलेन्ड ट्रेन्सपोर्टसन अथ'रिथिआ बुंदौंदि, दालांनि गासैबो लेनफोरखौ बन्द' खालामनाय जादौं आरो जाब्रबथायनि उनाव ट्रेफिकखौ बन्द' खालामनाय जादौं। दालीनि बिगोमा कम्पानिया बुंदौंदि जाहाजनि गासैबो मावथिफोर, जेराव सानैबो पाइलटबो दं, रैखाथि गोनां। जाहाज आरो दालांनि गेजेराव सौग्रावलायनायनि जाहोनखौ दासिमबो मिथिनो मोननाय जायाखै। बे जाथायनि सायाव जाहाजनि बिगोमा आरो बिबानिगिरिफोरि दालांआव बेसेबां सुबुंफोर

गिबि खेब हादरनि बाइजोआव आमुलआ दिहुन्थाय फान्नायनि थांखि लादौं

गोदान दिल्ली, 26 मार्च : हादरनि बयनिखुडबो देरसिन डायरी कम्पानो आमुलआ गिबि खेब भारतनि बाइजोआव एबा गुबुन हादरआव गाइखेर फान्नायनि थांखि लादौं। गुजरटनि जिसिएमएमएफआ सप्ताहसेनि गेजेरावनो आमेरिकान बाजारआव गाइखेरनि मोनब्रै प्रडाक्टखौ लन्व खालामगोन। बेनि गेजेरजौं कम्पानिनि थांखिआ भारतआ बाइजोआव थानाय भारतयारि आरो एसियाय सुबुंफोरनि गोनांथि बादिदियै प्रडाक्टखौ दिहुनगोन। जि सि एम ए ए फ नि सामलायगिरि-बिथोनगिरि जयेन मेहताआ फोरमायदौंदि, गोबां बोसोरनिफ्रायनो गावसोर डायरी प्रडाक्टफोरखौ दिहुनबोदौं। नाथाय गिबि खेब बेफोरखौ भारतनि बाइजोआव ताजा गाइखेर लन्व खालामनो आखाइयाव लादौं। बेनि थाखाय जिसिएमएमएफआ आमेरिकान बाजारआव ताजा गाइखेर



दिहुन्नायनि थाखाय 108 बोसोर गोजाम एमएमपिएजौं रादाइ खालामदौं। एमएमपिएआ गाइखेर दोन्थुमनाय आरो रनसारनायनि हाबा मावगोन। बेरफारसै जिसिएमएमएफआ फोसावदिं आरो ब्रान्डिं खालामगोन। मेहताआ बुंनावदौं दिहुन्थाय एबा प्रडाक्टआ गावसिनि जागोन। सप्ताहसेनि गेजेरावनो आमुल ताजा, आमुल गल्ड, आमुल शक्ति आरो आमुल स्लीम एन टिमखौ आमेरिकान बाजारआव मोन्नो हागोन। ताजा मिल्कखौ निउयर्क, निउ जार्सि, शिकाग, वाशिंग्टन,

आर'ब लैथोयाव गं 8 साबमिरिनफोरा लोगोसेयै गावसोरनि गोहोखौ दिन्थिदौं

गोदान दिल्ली, 26 मार्च : भारतयारि नेभिनि गं 8 साबमिरिनफोरा आर'ब लैथोमायाव खालामनाय मोनसे हुदायाव बाहागो लादौं। बिबानगिरिफोरा फोरमायनाय बायदिव्ला सोनाब लैथोमा बोरियाव आर'ब लैथोमायाव बावैसो सिगां जोबना थानाय हुदायाव गं 8 साबमिरिनफोरा लोगोसेयै बाहागो लानानै गावसोरनि गोहोखौ दिन्थिदौं। सोनाबारि नेभि कामान्डआ पस्टआव बुजेदि, दिन्थिनार्यनि गेजेरजौं भाइस एडमिरेलआ साबमिरिननि गाहाइ सा बाहागोखौबो नुयो आरो साबमिरिन सालायग्राफोरनि नेम-खान्थि बायदियै लैथोमानि दैखौ टेस्ट नायो। अडाननि लैथो, आर'ब लैथो आरो रेड सियाव डन होबथाग्रा मिसाइल होबथाग्रा आरो लैथोमायारि दाकाति हो ब थानाय फोर गारलोबनायफोरनि हंथायै नेभिफोर बे हाबाफारिनि जोसे सान आबुं जानायाव नेभि गाहाइ एडमिरेल हरिकुमारआ मिडियाखौ सोमोन्दो लाखियो। बिथाड बुंनय बायदिव्ला, नेभिफोर बे जाथायफोरखौ होबथानो थाखाय गाहामै नायबिजिरनायखौ लाखिलांबाय थागोन। नेभि गाहाइआ बेनि सोमोन्दैयै बुजेदि, ओन्सोलाव बे बाथ्रानिक्राय



खालामनो थाखाय बेबायदि हाबाफारि मावनाया गोनांथार। बिथाड अपारेशननि गोखैथिया जोबोद गोखौं आरो जौनियाव लैथोमानि गुबुन गुबुन बाहागोफोराव गं 11 साबमिरिनफोर आरो गं 30 दावहार उं जाहाजफोर दड; जाय गासै ओन्सोलफोरव रैखाथिखौ रोखा खालामो।

आडानी पर्टसआ गपालपुर जाहाज गाथोनखौ 3,080 कौटि रंआव आवग्रिबाय

गोदान दिल्ली, 26 मार्च : हादरनि बयनिखुडबो देरसिन जाहाज गाथोन आरो लजिस्टिक कम्पानि आडानी पर्टस एन्ड स्पेशल इक'नमिक जन लिमिटेड (एपिएसजेट) आ उरिष्याआव थानाय गपालपुर पर्टखौ 3,080 कौटि रंआव गावनि खालामनानै लायो। कम्पानिया बेखौ बायनो थाखाय थि रोखोमै रादाय खालामबाय। कम्पानिया गपालपुर पर्ट लिमिटेड जिपिएलआव एसपि गुपनि 56 जौखोन्दो आरो उरिष्या स्टीभडर्स लिमिटेड



(अएसएल) नि 39 जौखोन्दो सेयारखौ बायनो थाखाय रादाय खालामदौं। गपालपुर जाहाज गाथोनआ भारतनि सान्जा बोरियाव दडआरो बेनि गोहोया 20 एमएमटिपिए। उरिष्या

करण आडानीया बुंदौं गपालपुर पर्टआ गावसोरनो गावनि कस्टमार्सखौ बांसिन गोजोनहोनो आरो एडभान्स सल्युशन मोनहोनायनि पार्मिशन होगोन। उरिष्या आरो न'सुंसे राइज्योफोरनि माइनि हाबखौ मोनो हागोन। बेजौं गोथौ ओन्सोलफोराव लजिस्टिक्स लेन्डमार्क खौ फुवार्सायावबो मदत मोनगोन। रंखाथि बोसोर 2024 आव गपालपुर पर्ट लिमिटेडनिक्राय 11.3 एमएमटि कार्गखौ सामलायनो आरो आर्जिनोखौ हमादौंनय जादौं। लोगोसेनो बोसोरारिनि सायाव बिथा खालामना 520 कौटि रंनि टेक्स आरो 232 कौटि रंनि इबिआइटीडिए मोन्यायनिबो आसा दड। कम्पानिनि बुंनय बायदिव्ला, गपालपुर जाहाज गाथोनआ गोखौं जौगाखौं आरो मारिजिन फुवार्सायनि थाखाय आबुडै थियारि। मख'जाथावदि, गपालपुर जाहाज गाथोनआ गंसे माल्टि कार्ग गाथोन आरो खैला, सुनै अन्थाइ, इल्मेनमाइट आरो एलुमिनिअम थक मिक्सारखौ सामलायनायनि गोहो दड।

मुम्बाइआ बेइजिंखौ उन खालामनानै एसियानि धोनिसिन नोगोरमा बिमुं आवग्रिनो हादों

मुम्बाइ, 26 मार्च: भारतनि नोगोरमाया गिबि खेब चीननि नोगोरमा बेइजिंखौ उन खालामनानै एसियानि आरबपतिफोरनि राजथावनि बिमुं मोन्नो हादों। बे नोगोरमाया नो जादों भारतनि रांकान्थियारि राजथावनि मुम्बाइ नोगोरमा। मुम्बाइनि 603 बर्ग कि:मि: खालिआव बेइजिंनि 16,000 बर्ग कि:मि: खालिनि बांसिन आरबपति सुबुंफोर थायो। हरुन रिसार्च 2024 ग्लबेल रिच लिस्टनि बादिब्ला, भारतनि 271 आरबपतिफोरनिखुइ बांसिन चीनआव 814 आरबपति सुबुंफोर दड। बेराफार्से बेइजिंनि 91 आरबपति सुबुंफोरनिफ्राय बांसिन मुम्बाइआव 92 आरबपतिफोर दड। सुलुंनि बादिब्ला, मुम्बाइआ आरबपतिफोरनि बिथिडाव निउयकनि उनावनो मुलुगनि थामथि मासिखौ आवग्रिनो हादों। भारतनि नोगोरमाया 7 बोसोरनि उनाव 119 आरबपतिफोरजों टप पजिसन एबा बे जौसिन मासिसिम सौहैदों। मुम्बाइनि उनाव 97 आरबपतिफोरजों लन्डनआ



फारिलाइआव जायगा आवग्रिदों। सुलुंनि बादिब्ला, मुम्बाइनि गासै आरबपतिफोरनि सम्पतिआ 445 आरब डलार, जाय थानाय बोसोरनिफ्राय 47 जौखोन्दो बांसिन। बेराफार्से बेइजिंनि गासै आरबपतिफोरनि सम्पतिआ 264 आरब डलार, जाय देगलाय 28 जौखोन्दो दावखलायदों। मख'जाथावदि, मुम्बाइआ 1 बोसोरव सा 26 गोदान आरबपतिफोरजों सरजाबफानायाव चीननि राजखान्थियारि आरो हरिमुवारि

राजथावनि बेइजिंनिफ्राय आवगायनो हादों। बे समाव बेइजिंआव गुबैये सा 18 आगुनि आरबपतिफोरखौ फारिलाइनिफ्राय जानगारलानायखौ नुनो मोन्दों। मुलुगनां धोनि एबा आरबपतिफोरनि फारिलाइआव भारतयारि आरबपतिफोरखौ ग्लबेल रेंकिंआव सरासन्हा दावखलायनयबो नुनो मोन्दों। मुकेश आम्बानीआ गावनि सम्पतिखौ बांहोनो हानायजों फारिलाइआव 10 थि मासि आवग्रिनो हादों। बिब्दिनो गौतम

आडानीआ मोन 8 आवगायनानै 15 थि मासिखौ आवग्रिनो हादों। बेनि अनगायै एडसिएलनि शिब नादर आरो बिथानि नख'रआ 16 मासि दावखोनानै 34 आव फेदों। सिराम इनस्टिटुटनि साइरस एस पुनावालाआ मोन 9 मासि खोमानानै 55 थि मासिआव फावसायलादों। सान फार्मासिउटिकेल्सनि दिलिप सांघभिआ 61 थि मासि आरो कुमार मंगलम बिडलाआ 100 थि मासिआव थानो हादों। □

बिजेपिया लक सभा बिसायख'थिनि थाखाय रबिबारखालि गावसोरनि बिजाथिफोरनि गोदान फारिलाइखौ फोसावयो

गोदान दिल्ली, 26 मार्च: भारतीय जनता पार्टीआ फेगौ लक सभा बिसायख'थिफोरनि थाखाय थानाय रबिबारखालि गावसोरनि सा 111 बिजाथिफोरनि गोदान फारिलाइखौ फोसावयो। बे फारिलाइयाव पिलिभितनिफ्राय भरुण गान्धीनि टिकेटखौ दानानै बिनि जायगायाव आगुनि मिरुआरि मन्थि जितिन प्रसादखौ फसडे। आथिखालाव पार्टीआ सुल्तानपुरनिफ्राय भरुणनि बिमा मेन'का गान्धीनि सायाव आरोबाव खेबसे फोथायनाय फोरमायदों। भरुण गान्धीया थानाय माखासे बोसोरनिफ्राय पार्टीनि हेंथायै नो बिबुंथि होबाय थादोंमोन, जायनि उनाव बिनि टिकेट दानायखौ थि महरै गनायना लादोंमोन। थानाय रबिबारखालि फेनाय बिजेपिनि फारिलाइया टिकेट दानायनि सोमोन्दैयै सावरायनायनि सायावबो थि खालामना होदों।



बेनि सिगां भरुण गान्धीखौ बिजेपिनि नुजाथि फेनाय हाथरिख महरै गनायना लादोंमोन आरो सुबुंफोरा बिनियाव बिफा सन्जय गान्धीनि महरखौ नुनो मोन्दोंमोन। अदेबानि थानाय 2017 नि इपि बिधान सभा बिसायख'थियाव बिजेपियाव गोखोडै देहाहोनयनि उनाव

बिनि मुड गिबि मन्थि महरैबो सुलुडव जायगा आवग्रिदोंमोन। नाथाय यगि आदित्यनाथआ बे बिथिडाव बयनिखुइ जौसिन महरै फोरमान जायो। बेनि सिगां थानाय 2013 आव बिखौ बिजेपिनि माहारियायि गाहाइ नेहाथारि खालामदोंमोन आरो सोनाब बंग'नि बिबानखौबो गथायना होदोंमोन। नाथाय बे आफादनि

खामानि मावनायाव बिथाड जर'खा बिफाव लानानै दिन्थियाखै। थानाय 2014 आव बियो सुल्तानपुरनिफ्राय लक सभानि टिकेट मोन्नानै देहासारनोबो हादोंमोन। नाथाय थाबैनो पार्टीनि हेंथा जानायखौ नुनो मोन्दोंमोन। थानाय 2016 आव प्रयागराजआव जानाय माहारियायि मावसुमाफोरनि

सुप्रिया श्रीनेतआ कंगनानि सायाव जेना गोनं पस्ट खालामनायनि उनाव जेनायाव गोखौदों



गोदान दिल्ली, 26 मार्च: कंगना रतनि सायाव जेना गोनं केसआव कंग्रेस दैदेनगिरि सुप्रिया श्रीनेतआ गात्रियै बेंखनजादों। बिजेपि दैदेनगिरिफोरजों लोगोसे सरसन्हा सुबुंफोराबो सुप्रियायि सायाव गार्लोबदों। बेनि गेजेरजों माहारियायि आइजो आयगआबो बुंदोंदि, बिसायख'थि आयगनो लाइजाम लिस्नानै कंगना रतनि हेंथायै होनाय बिबुंथिनि थाखाय सुप्रिया श्रीनेतनि सायाव नायबिजिरनो दाबि दैखदों। अदेबानि बिजेपिआ थानाय सानआव फावखुंनि कंगना रतनखौ हिमाचल प्रदेशनि मान्डी लकसभा

बियाबनिफ्राय बिजाथि महरै सायख'थो। बे फोसावनायनि उनाव सुप्रियायि इनस्टाग्राम एकाउन्टजों कंगनानि गांसे सावगारि शेरार खालामनानै आबुथि गैयै बिबुंथि होदोंमोन। जेब्ला बे जाथायनि सायाव दावराव-दावसि सोमजियो अब्ला बे पस्टखौ डिलीट खालामो। आथिखालाव माहारियायि आइजो आयगनि आफादगिरि रेखा शर्माआ बे केसआव बिसायख'थि आयगजों सोमोन्दो लाखिगोन होनानै बुडे। बे केसनि सायाव कंगना रतनआबो सुप्रियायो

फिन्नाय होदों। कंगनाआ बुदोंदि, अन्जालि सुप्रिया सासे महरगिरि महरै आं गावनि केरियारनि थानाय 20 बोसोरव गोबां रोखोमनि आइजोफोरनि बिफाव लाबोदों। क्वीनआव सासे आजोलि हिन्जावसानिफ्राय लानानै धाकड़आव सासे गोसो बो नो हाथाव जुससिम, मणिकर्णिकायाव सासे देबिनफ्राय लानानै चन्द्रमुखीआव सासे राक्षसिसिम, रज्जआव सासे देहा फानग्रानिफ्राय लानानै थलाइभिआव सोमावसारग्रा दैदेनगिरिसिम। जों जोंनि गथ'फोरखौ गात्रि आखु, गात्रि

हुदानिफ्राय उदं खालामनंगौ। साफ्रोम आइजोआनो गावबा-गावनि हाबाफारिखौ मावनायनि मोन्थाय दड। बे गासै केसआव बेंखनजानायनि उनाव कंग्रेस दैदेनगिरि सुप्रिया श्रीनेतआबो फिन्नाय होयो। बियो पस्ट शेरार खालामनानै बुदोंदि, आनि फेसबुक आरो इनस्टा एकाउन्टआव माखासे सुबुंफोरनि एक्सस दड। बिसोरनि गेजेरव सोरबा सासेआ दिने जोबोद अजद दैखांथाव पस्ट खालामदोंमोन। बेनि सोमोन्दै जेब्ला आं मिथियो अब्ला आरो बे पस्टखौ बोखारनानै होयो। आं खौरं मोन्दोंदि, बे पस्टखौ सिगाडाव मोनसे पेरडि एकाउन्टआव सालायदोंमोन। बेयावनिफ्राय सोरबाया बे पस्टखौ आनि एकाउन्टआव पस्ट खालामनानै होदों। आं बेबादि खालामग्राफोरखौ सिनायथिनो नाजागसिनो दड। लोगोसे आनि मुंखौ गात्रियै बाहायनानै बानायनाय पेरडि एकाउन्टखौबो एक्सआ रिफ्ट खालामदों होनानै सुप्रियाआ बुडे। □

बिजेपिया पान्जाबआव हारसिं बिसायख'थि गेलेनो फोसावबाय

गोदान दिल्ली, 26 मार्च: लक सभा बिसायख'थि 2024 खौ लानानै गासै दोलोफोरनि थियारिफोर जागायबाय। गासै दोलोफोरा गावसोरजों बांसिननिखुइ बांसिन हेफाजाबगिरिफोरखौ लोगोसे लाबोनायाव नांथाबदों। बेनि गेजेरजों आथिखालाव भारतीय जनता पार्टीआ मोनसे गिदिर खौरं फोसावदों। अदेबानि पान्जाब बिजेपिनि आफादगिरि सुनिल जाखडुआ खौरं होयोदि, बिजेपिया पान्जाबआव हारसिंडे बिसायख'थि गेलेगोन। खौरनि बायदिब्ला आथिखालाव राइज्योआव अकालि आरो बिजेपिनि जुथाइ दोलो गैलिया। बिजेपि आरो अकालि दोलोनि गेजेरव जुथाइ हान्जा गैयैनि जाहोना दासिमबो रेखा जायाखै। बेनि सोमोन्दैयै सुनिल जाखडुआ बुडोदि, बिजेपिया बिसायख'थियाव हारसिंडे गेलेनाय थांखिखौ सुबुं, मावसुमाफोर आरो दैदेनगिरिफोरनि राय लानायनि उनाव लादों। सुनिल जाखडुआ बिजेपि सरकारनि गेजेरजों



आबादारिफोरखौ जौगाखां खालामनाय थांखि, करतारपुर करिदर आरो मिरु सरकारनि गेजेरजों पान्जाबनि थाखाय खालामनाय गुबुन हाबाफारिफोरखौबो मख'दों। बिथाड बुदों, पान्जाबनि सहदं अमन चैन बायदिखौ गोखों खालामना लाखिब्लासो भारतनि जौगाखानाया जानो हागौ। बेनि गेजेरजों पान्जाबनि सुबुंफोर बिजेपिनो भट होनानै हादतनि जौगाखानायाव बिहोमा होगोन होनानै जाखडुआ फोथायदों। पान्जाबआव अकालि दोलोआ थानाय 1997 निफ्राय लानानै 2020 नि सेप्टेम्बर दानसिम बिजेपिनि गोजाम

हेफाजाबगिरि पार्टी जानानै दडमोन। आथिखालाव थानाय 2020 आव मोन्थाम आबादारि आइनफोरनि हेंथायै मिरु सरकारनि मन्थि मासिनिफ्राय बिबान एंगलायदोंमोन। बेनि माखासे सान उनावनो मोनै पार्टीनि लामाया आलादा जादोंमोन। बेनि उनाव आबादारि आइनफोरखौ बोखारना लाफिन्नाय जायो। बे मोनै दोलोया पान्जाब बिधान सभा बिसायख'थियावबो आलादा आलादायै गेलेदोंमोन। मख'नो गोनांदि, पान्जाबआव लक सभानि मोन 13 मासिफोर दड आरो बेयाव बिसायख'थिखौ

मोनसेल' खोलोबावनो फोजोबनाय जागोन। पान्जाबआव लक सभा बिसायख'थिनि जोबथा एबा 7 थि खोलोबाव फेगौ 1 जुनआव भट जागोन। बेजों लोगोसे बेयाव भट सानाया 4 जुनआववनो जागोन। सुलुंनि बायदिब्ला हादतनि गुबुन गुबुन बाहागोफोराव गिबि खोलोबनि भटफोर 19 एप्रिल, नैथि खोलोबा 26 एप्रिल, 3 थि खोलोबा 7 मे, ब्रैथि खोलोबा 13 मे, बाथि खोलोबा 20 मे, 6 थि खोलोबा 26 मे आरो 7 थि खोलोबनि भटआ फेगौ 1 जुनआव जोबना थांगोन। बेजों लोगोसे गासै हादतआव भट सानाया 4 जुनआव जोबना थांगोन होना सुलुंनिफ्राय मिबथिनो मोन्नाय जादों। □

अलिन आम्बानीनि कम्पानीया गोबां दावगागसिनो दड

गोदान दिल्ली, 26 मार्च: अनिल आम्बानीनि कम्पानीनि स्टकआ थानाय माखासे समनिफ्राय लास्त्रियै गोखैयै खारगासिनो दड। बे शेरारआ इन्भेस्टमेन्ट खालामग्राफोरनो थानाय 1 बोसोरव 2 गुण मुलाम्फा होदों। अनिल आम्बानीनि बे कम्पानीनि मुड रिलाइन्स पावार। रिलाइन्स पावारनि शेरारआ इन्भेस्टमेन्ट खालामग्राफोरनि फेसाखौ थानाय 1 बोसोरनि गेजेरव 2 गुणनिफ्रायबो बांसिन खालामना होदों। आथिखालाव बे कम्पानीनि स्टकआव अफार साकिंल नांगासिनो दड। रिलाइन्स पावारनि शेरारनि सल'आ गोबां गोमोथाव। थानाय 2008 आव बे स्टकनि बेसेना 240 नि लेभेलआवमोन। दिने बाजारव बे स्टकनि बेसेना 23 रॉनि। बे हिसाबै नोजोर होयोब्ला शेरारनि बेसेनाव 90.35 जौखोन्दो दावखलायनायखौ नुनो मोन्दों। अनिल आम्बानीनि बे कम्पानीनि शेरारव आथिखालाव बारहुंखा बायदि गोखैयै बरनायखौ नुनो



मोनगासिनो दड। अदेबानि थानाय 6 दाननि गेजेरव कम्पानीनि स्टकआ 29.48 जौखोन्दो बांदों। 2008 नि 15 फेब्रुवारीयाव बे स्टकनि बेसेना 240 रॉनि लेभेलआवमोन। बेराफारसे शेरारआव जेना सोमजिनयनि उनाव इन्भेस्टमेन्ट खालामग्राफोरा गोबां ख'हा जानांदोंमोन। बे शेरारनि बेसेना 90 जौखोन्दोनिखुइबो बांसिन द। व रूल। य दों' मोन। आथिखालाव थानाय 1 बोसोरव कम्पानीनि स्टकआव रिक्भारि जानायखौ नुनो मोन्दों। बे शेरारनि बेसेना थानाय 2023 नि 20 मार्चआव 10.30 रॉनि लेभेलआव दडमोन। बेराफारसे 1 बोसोरनि गेजेरव बे कम्पानीनि स्टकनि बेसेना 23,20 रॉनि लेभेलआव

सौहैदों। थानाय 1 बोसोरव बे स्टकआव रां इन्भेस्ट खालामग्राफोरनि बेसेना 2 गुण जायो। अदेबानि 1 बोसोरव बे शेरारआ इन्भेस्टमेन्ट खालामग्राफोरनो 125.24 जौखोन्दोनि रिटर्न होदों। जुदि सोरबा इन्भेस्टमेन्ट खालामग्राया बे शेरारव 1 लाख रॉ होदोंब्ला बेनि राड 2 लाखनिखुइबो बांसिन जायो। अनिल आम्बानीनि कम्पानी रिलाइन्स पावार आम्बारी गुपिनि कम्पानी। बे फानान्सियेल साबिसिस, इन्फ्रास्ट्रक्चर आरो एनार्जी सेक्टरआव खामानि मावो। बेजों लोगोसे रिलाइन्स पावारआ भारतआव मोब्लिब बिथांखिफोरखौ जौगाखां होनोबो खामानि मावो। कम्पानीनि बेयाव दासान्दि गासै 6000 मेगावाटनि प्लान्ट मोब्लिब दिहनाय जायो। □

बिजेपिनि दैदेनगिरि सुरेन्द्रनआ राहुल गान्धीजों सेलेन्स होगोन



तिरुवानन्तपुरम, 26 मार्च: केरलायाव जर'खायै गंभ्रै मासिफोरनि थाखाय बिजाथिफोरखौ फोसावनायै बिजेपिया गावसोरनि राइज्योआरि गाहाइनि सुरेन्द्रनखौ हाइ प्रफाइल भाइनाड बिसायख'थि ओन्सोलनिफ्राय राहुल गान्धीनि हेंथायै बिसायख'थिनि फोथारव फसडे। बेराफारसे पार्टीआ श्री शंकरआ संस्कृत मुलुग सोलोसालिनि आगुनि भाइस सेन्सेलर के एस राधा कृष्ण आरो फावखुंनिफ्राय दैदेनगिरि जानाय जि कृष्ण कुमारखौ एर्नाकुलम आरो कल्लम मासिनिफ्राय गावसोरनि बिजाथि खालामो। बेनि अनगायै सरकारि कलेजनि आगुनि प्रिन्सिपास टिएम सरासुखौ सा पलक्कड जिल्लानि अलाथुरनिफ्राय

बिसायख'थि गेलेहोगोन। बिजेपिया केरलायाव कंग्रेसनि दैदेनाय इडिफ एओ सिपिआइ (एम) खौ दैदेनग्रा एलडिफनि गोबां बोसोर गोजाम राजखान्थिखौ सिमफायनो नाजागसिनो दड। पार्टीआ सिगाडाव मोन 12 मासिफोरव बिजाथिफोर फोसावदोंमोन। बिसोरनि हेफाजाबगिरि पार्टी बिडिजेएसआ राइज्योआव मोनब्रै मासिफोरव बिसायख'थि गेलेगोन। पार्टीआ गोनांथि जानाय थांखि लानानै कंग्रेसनि गाहाइ जायगा महरै गनायजाग्रा भाइनाडनिफ्राय सुरेन्द्रनखौ फसंनो थांखि लादों। बिजेपिया राहुल गान्धीनि हेंथायै सासे गोखों बिजाथि फसंनानै गावसोरनि बेरेखा दोलोफोरखौ गोखों फिन्नाय होनो थाखाय नाजागसिनो दड। बेराफारसे माकपा (माकसबाडि कमिउनि स पार्टी) बेयावनिफ्राय एनि राजाखौ बिसायख'थिनि फोथारव फसंबाय। सुरेन्द्रनखौ थानाय 2020 आव पार्टीनि केरला राइज्योनि आफादगिरि खालामदोंमोन। कझिकट जिल्लानि उलेयेरीनि थागिबि सुरेन्द्रनआ भारतीय जनता युभा मर्चानि भाइनाड जिल्लानि आफादगिरि महरै गावनि केरियारखौ जागायदोंमोन। बिथाडा थानाय 2019 नि लक सभा बिसायख'थियाव पथानमथिद्वानिफ्राय बिसायख'थि गेलेदोंमोन। नाथाय बे बिसायख'थियाव बियो जेन्नायजों मोगा-मोगि जानांदों। मिबथिनो मोन्नाय बायदिब्ला केरलानि मोन 20 लक सभा मासिफोरव फेगौ 26 एप्रिलआव बिसायख'थि जागोन। □

जिबौ खारहोनो हानाय माथरवासे मुवाफोरनि सोमोन्दै मिथिनानै ला

जिबौनि मुं खोनयोब्लानो बयबो गिखानाय मोनो आरो साखाथियाव फैयोब्ला गिनयजॉनो थोर-थोर मावो। माब्लाबा नख 'रआव एबा सिथ्लाफोरगव फैयोब्ला एबा बौरैबा न'आव हाबोब्ला बेखौ माबौरै होखारनो हागौ? बेनि थाखाय माबाफोर मुलि एबा मिथिगायावनो माबाफोर बिफां एबा बिलाइफोर, माबा मुवा देड



नामा? बे मुवाखौ मिथिनाया जॉ बयनिबो थाखाय गोनांथार। मानोना जिबौखौ खाथियाव नुयोब्ला माबौरै बेखौ होखारनो हागोन बेखौ बयबो हास्थायो। बुंनो थाडेब्ला जिबौआ एरैनो रावखौबो खहा खालामा। नाथाय गावनि थाखाय खैफोद मोन्दैथियोब्ला, गावनि रेखाथिनि थाखाय हाथियार महरै गिखंथाव बिषखौ ओंखारहोयो।



बिब्दियावनो जिबौआ गिखंथाव जिब होन्नानै गनायजायो। बयखौबो गिहोनो हानाय जिबौखौ बौरैबा खाथिफोरगव फैयोब्ला होखारनो हानायनि माबाफोर मुलि एबा स्प्रे, सेन्ड बायदि दड नामा बेखौ जॉ दिने गुवारै मिथिनानै लागोन। ससेल मिडिया प्लेटफर्म कुअरनि बादिब्ला, सासे इउजारनि सॉथि सॉनायाव गोबाडनो फिन्याय होदो। सासे इउजारनि बादिब्ला, जिबौआ थाव गुबैनोनि



मोनामनायखौ सहायनो हाया आरो थान गोथां मोनामोब्ला खाथियाव फैया। अदेबानि एनिमेल वेबसाइट एज-एनिमेलआव मोन 14 मुवाफोरखौ बुंथिदो, जायखौ मोनामनाय मोनोब्लानो जिबौआ खारलाडे। बेफोर मुवानि गेजेराव सामब्राम गुफुर आरो सामब्राम गोजायानो गाहाइ। बेनि अनगायै पुदिना, लं, थुलसि, दालसिनि,



लेबु बायदिफोरगवो मख 'जाथाव। एमनिया गेसजॉबो जिबौखौ खारलांहोनो हायो। माब्लाबा समाव उखुन्दैजॉबो जिबौखौ खारलांहोनो हायो। बेफोरनि मोनामनायखौ जिबौआ सहायनो हाया आरो बेनिखायनो जानगारआव खारलाडे।



बायदिब्ला 8.08 लाख गोदान अन्जिमाफोरनि गेजेराव गासै 2.05 लाख आइजो सोद्रोमाफोर दड। बेनि अनगायै गोदान दानआव सरजाबनाय आइजो सोद्रोमाफोरनि अन्जिमाया गासै 3.03 लाख जायो। बेनि सिगां इपिएफअआ थांनय 2023 नि डिसेम्बर दानाव 15.62 लाख सोद्रोमाफोरजॉ सोमोन्दो लाखिदोमोन। अदेबानि डाटा जेनेरेशनआ मोनसे लाश्चियै मावग्रा हाबाफारि। मानोना मावसुमाफोरनि रेकड'खौ आपडेट खालामनाया मोनसे लाश्चियै सोलिबाय थाग्रा हाबाफारि। बेनिखायनो थांखांनय डाटाफोरखौ दानफ्रोमबो आपडेट खालामनाय जायो। सुलुंनि बायदिब्ला थांनय 2018नि एप्रिल दाननिक्राय इपिएफअआ 2017 नि सेप्टेम्बर दाननि उननि समखौ कभार खालामनानै पेरल डाटा फोसावगासिनो दड।

मिबथिनो हायोदि, गासै 12.17 लाख सोद्रोमाफोर, जायफोरा इपिएफअनि बिथांखिनिक्राय बायजोआव ओंखारलांहोनो मोन बिसोरबो हाबफिनबाय। बे सोद्रोमाफोरा गावसोरनि साखिखौ सोलायदो आरो इपिएफअनि बे'खनआव गोग्लैनाय फसंथानफोराव हाबफिनबाय। बिसोर गावसोरनि फान्डखौ ट्रान्सफार खालामनायनि अप्सनखौ सायख 'दो। अन्जिमानि

गैया आंहा एसेबां समायना महर। गोसोआव गोरनिथि सानानै दालासै नॉ अनजालुआ आंनि फारसे-नाथाइ; आं लुबैयो नॉखौ लामा-सामा लोगो मोनोबा रायदावजानो, गोरनिथिखौ गोरनिथि साना लासिनो बेनो आंनि आरज नॉ अनजालुनाव। जुदि, आंहा गैथायामोनबा बजबगौमोन नॉ अनजालुखौ अरायनि-होगौमोन आं नॉ अनजालुनो आंनि बिखानि थार अन्नाय मोजॉ मोनाइ। राहा गैया आंहा दिने नॉखौ नेउसिनयनि अनगायै जेबो। फँगौ जोनोमाव लोगो मोनलाइथो आडे बेखौनो आसा मिजिं थिना थानोसै नॉ अनजालुखौ।

थरायना रस्मि गयारी

फरायसालि-बिजनी गाल्स हाईस्कूल

जिला- सिरां बि.टि.सि (आसाम)

गौरनिथिखौ गोरनिथि साना लासिनो

बेनो आंनि आरज नॉ अनजालुनाव।

जुदि, आंहा गैथायामोनबा बजबगौमोन

नॉ अनजालुखौ अरायनि-

होगौमोन आं नॉ अनजालुनो आंनि

बिखानि थार अन्नाय मोजॉ मोनाइ।

राहा गैया आंहा दिने नॉखौ

नेउसिनयनि अनगायै जेबो।

फँगौ जोनोमाव लोगो मोनलाइथो

आडे बेखौनो आसा मिजिं थिना

थानोसै नॉ अनजालुखौ।

थरायना रस्मि गयारी

फरायसालि-बिजनी गाल्स हाईस्कूल

जिला- सिरां बि.टि.सि (आसाम)

रंजालि गथ'फोरनि सौरा

थांखि

गोरबोनि बबेबा मोनसे इसिं खनायाव बोन्थुमना दोनदो आं जिउनि राफोद मोनसे थांखि, नॉनि होनाय बोसोनखौ गोसो दनदर सिडव थि जोधोनै लानानै आं आयै।

सोलोथाइ लानानै हानायमानि गियान आरजिनानै लानो नाजा आफा बड'फानि गोथार सानसिजॉ आगान सुरना, नॉबो हारिनि गेजेराव मोनसे मोजॉ थुलुंगाखांनय खामानि मावनो नाजा आफा।

मानोना नॉबो सासे बर' बिमानिनो फिसा बर' हारिनि थैजॉनो जोनोम मोननाय बर' फिसा, बैफोर बायदि बेसेन गोनां बुंनया आइनि रावफोरा आंनि गोसो गोरबोआव थुलुंगाखांसिनो, आरो गोरबोनि गोरलै बिथ 'राइ बादि थांखिया जनो रोडेदौलेंजो खानानै दोननाय बायदि थांखिया आंनि राफोद गोरा जासिनो।

गोसोआव जाखांफैयो आरो माब्लाबा माब्लाबा उदां अखाडव दावसि गोबा नागिरनाय बादि, जेब्ला हारसिं जिरायनानै सानो जोहोलाव दैमालु, सोमदोन लोगोसे, जोहोलावजो थें फाखि, गायदे, हेलेना, गामबारि बिरगोसिमोन बादि गिनयखौ दोनखोमानानै हारिनि थाखाय दावहा थिलियाव दाहाल-थुंग्रि सिबना दावहा नानाय, बर' हारिनि रंगोथिजॉ हारि सिबिनायखौ गोसो खाडेब्ला थांखिया आरो गोखो गोरा जासिनो।

नाजागोन आयै आंबो हाजासे नॉनि मिजिं हाबिलाखौ जाफुंहोनो, समाजनि गेजेराव मोजॉ खामानि मावलांनो लोगोसे बड'फानि थांखिखौ मोगथाडव जाफुंहोनो, नॉनि होनाय सोल्लोथाइजॉ आरो आंनि आगदा आखाइनि कलमजॉ दावहा नाडेनाडे।

-जोसोर बसुमतारी
6 नं सांन्धिपुर, गहपुर

मोन्दांथिनि रोजाबथाय

मोगथां बुब्लिनि गोसोखांथिया गोमोरनो रोडैसाइखं जानानै थालाडे सोलेरनि बबेबा मोनसे बाहागोआव।

बिदिन्थानि फाखनाव गावखौ बावसोमना जुजिबोनाय बिसम्बिनि सिनायथिया अरायबो गोजोर जायो।

मोन्दांथिया फोरमायो सोमोन्दोखौ रासिन खालामना मोनफ्रोमबो बिथिंखौ बिजिरना नायनो।

सान्दांथिनि फैलाव फोथाराव खबाम बह्ल सोदोबफोरा मुहिहोयो लोरबां गोसोखौ राफोद खालामसिनो।

निजोम बर'
पशिसम पानेरि,
अदालगुरि

दुब्रि हाग्रानि निहिरजो

खुगुलुनाय मोले खुवाजो दावहा नानानै आखायाव गांसे बही आरो गंसे कलम लानानै जिउनि जाथायखौ खन्थाय सुजुनो सानानै आगान फोलावदोमोन खानिफुर दैसानि सेर सेर जिरायथ 'दोमोन आं हाब्रं सेराव सुजुनो खन्थाय नाथाय गोरब होनो हायाखे मोनसेबो खबाम मोदैयासो थर बोहैलादोमोन आंहा मानोबा दैसायाव जरासे एम्बुनि अन्लायनायखौ नुनानै दोमैलु समनि मौसुमि बार बारनायजॉ उरां-फारां गोसोजॉ गोदाव सोराव साननायजॉ आंनि दिदोमथि सहायसुला गोसोया गोजाव लांफादोमोन लोगोसे डिडनि सा-सा दुब्रि हाग्रानि गुसु निहिरजो आं फेफिनो हायाखिसे बैनिक्राय बेसिम आथिडव गैया सिन्देल जुता खानानै लाखिबाय आंखौ सिंनि दिरे जानानै दुब्रि हाग्रानि गुसु निहिर।

मोगथां बसुमतारी
सा- देउलगुरि,

फावथिना सालिनि फलान

फावथाइनि मोनफ्रोम दिन्थिनि फावगिरि महरै आखु लाना फाव दिन्थिनाय मै फलान बियो थांखिखौ गोफार लाना मुं सिनायथि होयो। गोजानाव मोदाननायखौ होसोनाया मानोबा आयनानिसो महर लाजादो, गासै मोदाननाय जिरादा स'ना जाया मिन्थिनाबोदि थांदोमोन मोनगोन मिजिंजो। दैमानि दै होबथाग्रा बान्दोखौबो सिफायना गावनो लिंहरगोयो दै बाना हालाय-हाफाय जायो मानोबा गावनिनो मावथाइनि फिथाइखौ नुना। दैमा दैजिनि हाबुखौबो मुगैना खारनाय बै मुलुगनि फलाना निजोमथिनि थावनि नागिरदो गोरान दुफु-दुफु बालाहामायावबोसो। आरोबावसो आगोर मोनै जिबनि अराव खामना अरखि जानादो बन्थ' मुरा बादि जिगाबनि हांगार जानाबो बिरनादो दुग्गाना अरजो दावहा नानानै।

-कुमार बसुमतारी
लखिमपुर

टेट्राकटिस खन्थाइ

सा सानजा सिथ्लानि ख'ना ख'ना सिजौ बाथै गायसनदो बर'फोर

गाव गावनि धोरामखौ मान होनानै हरदम समाव सिबि आरो अनसाय

जॉ बर' नख 'राव सिजौ बाथै थायोबासो समाय खानाय नुयो

जॉ बर' माहारि जासे जाना जानो हाया नामा बाथौवारि

-रैदोम बर',
माजदिया, बगुलामारि,
बाक्स

हलि

गोरान बिलाइ सिरिहोनो बिफानि दख 'नानि आनसोलखौ लाइमोन सिथ्लानि उरायहोनो हुरागासे फागुन फैयो

गोजा गोमो गोथां गाबजॉ रंजा होनो गोसोखौ सुबुनि लाबोयो फोरबो फागुना हलि।

सबिराम बर'
राबां, बागसा

थांखि

सानदोमोन आं आंनि गोसोनि खोथाखौ फोरमायनो, सानदो आंबो सासे मोजॉ मानसि जानो सॉनायखौ सॉदोमोन इशोरनाव, अन्नायखौबो बिदोमोन इशोरनाव सॉनाय सॉनायखौ आं सॉंबाय, अन्नाय मोन्नायाव आं फेलें जाबाय। सानो आं आंनि गिदिर गोलाव जानो सान्नायाबो फेलें जागोन दां, सॉदोमोन आं बे सॉनायखौ इशोरनाव आंनि सान्नाया बुडे आं जेब्लाबो सासे मोजॉ मानसि जानो हागोन, बेनो जादो आंनि थांखि।

थरायना रैसुमै नाजॉरि
ला:सो:-मागुरमारी
जिल्ला:-क' कराझार (आसाम)

दंख्यायो

नॉ अनजालुखौ आडे खालामबाय बे जोनोमाव आलाइ सिलाइ अन्नानै नॉ आंखौ निमाहा होदो आंनि आनजाद नायनायाव नॉखौ हमनो हाबाइदि थारैनो नॉडे गोसो गोबोर्जो मोजॉ मोनो आंखौ। नॉनि नायनाइ नॉनि जंखायनाय नॉनि फाव फेसनफोरानो फोरमायबाय आंखौ नॉ मोजॉ मोनो होन्नानै। नॉ जानाय नडमोन खोमा आंनि फारसे एसेबां मोजॉ मोन्नाय-जुदि आडे नॉनो दंख्यायो होन्नानै सिगांडवनो फोरमायखायो मोनबा, सानानै लाबाय गोरनिथिया दाबो आंनि। नॉ मालाइ माखौथो एसेबां मुहिनी नांखो आंनि माबेखौ लानानै-

(1 बिलाड़िनफ्राय)

मिरु मन्थि सर्बानन्द सनवाल आरो एमपि गौरव गगैआ नमिनेसनलाइ थिसबाय

नमिनेसन थिसन्याया सोलायथाय आरो जोगाखानाथयि थाखाय गोसो गुदुं जानाय आसामनि संप्रा-सिखा, आइजो, आबादारि आरो साफ्रोमबो गोखों खामानि मावग्रा सुबुंफोरनि सानाय-हनायखों थान्दथि जादों होन्ना समाजयारि बिजौनि गेजेरजों बिबुंथि होयो।

गुबुन फारसे, खुंजानो गोनां एबा फैगौ लकसभा बिसायख थियाव डिब्रुगड़ बियाबआव बिजेपिनि बिजाथि आसामनि बाराग' गिबि मन्थि आरो मिरु मन्थि सर्बानन्द सनवालआ दिने डिब्रुगड़ जिल्ला बेंगिरिनि मावखुलियाव नमिनेसलाइन्थि थिसनो। नमिनेसनलाइ थिसन्याय समाव आसामनि गिबि मन्थि उ हिमन्त बिश्व शर्माआ सर्बानन्द सनवालजों जिल्ला बेंगिरि मावखुलियाव बाहागो लाफैदों। लोगोसेनो जुथाय दोलोनो बाहागो थानाय दोलो असम गन' परिषदिनि आफादगिरि अतुल बर, आथिखालनि एमपि आरो मिरु राइज्यो मन्थि रामेश्वर टेलिआबो सनवालजों लोगोसे बाहागो लाफैदों। माखासे अन्जिमानि दोलोयारि मावफारिया आरो हेफाजाबगिरिफोरा नमिनेसनलाइ थिसन्याय समाव सर्बानन्द सनवालखों सिगां होलादों। मख'नो गोनांदि, डिब्रुगड़ बियाबआव सर्बानन्द सनवालनि हेंथायै हेंथा बिसायख थि बादायलायगोन 'इन्डिया' जुथाय दोलोनो फसंजानाय बिजाथि असम जातिय परिषदिनि आफादगिरि लुरिनज्यति गगैजों लोगोसे आपनि बिजाथि मनज धानवारआ।

फैगौ 2026 सिमाव आसामाव कंग्रेसनि रावबो दैदेनगिरि थाहैनाय नडा: गिबि मन्थि शर्मा

आरो गोनांथि जायोब्लानो बिसोर दैदेनगिरिफोरखों बिजेपियाव लाबोगोन होन्नाबो शर्माया बुजे। लक्षिमपुर जिल्लानि नावबैसानिक्राय देरहासारबोनाय एमएलए भरत चन्द्र नरहआ लक सभा बिसायख थिनि टिकेटखों गावनि बिसिया मोन्ने हायैआव समबारखालि कंग्रेसनिक्राय बिबान नागारो। मख'जाथावदि, सान्नेसो सिगां कंग्रेसआ उदय शंकर हाज'रिकाखों लक्षिमपुर लक सभा बियाबनिक्राय कंग्रेसनि बिजाथि फोसावदोंमोन। एमएलए नरहआ कंग्रेसनि बे बियाबनिक्राय गावनि बिसि आरो आगुनि मिरुनि मन्थि रानी नारानो टिकेट होगोन होन्ना आसा खालामदोंमोन। नाथाय बिथानि आसाया फेलें थाडो। मख'जाथावदि, रानी नरहया लक्षिमपुरनिक्राय खेबथाम एमपि जाखांबाय आरो खेबसे राइज्यो सभानि सोद्रोमाबो जाखांबाय। सुलुंनि बायदिब्ला रानी नरह आरो हाज'रिकाया लक्षिमपुरनिक्राय टिकेट मोन्ने हास्थायदोंमोन। मख'जाथावदि, माखासे दान सिगां हाज'रिकाया राइज्यो खुंथायाव थानाय बिजेपिनिक्राय कंग्रेसआव हाबफैदोंमोन। कंग्रेसआ राइज्योनि मोन 14 लक सभा मासिनि गेजेराव मोन 13 मासि एबा बियाबनिक्राय बिजाथिफोरनि मुं फोसावबाय। कंग्रेसआ हेफाजाबगिरि असम जातिय परिषद (एजिपि) नो डिब्रुगड़ मासियाव हेफाजाब होनायनि बाथा बुंथिदों। आथिखालाव लक सभायाव आसामनिक्राय कंग्रेसनि साथाम आरो बिजेपिनिक्राय सा 9 एमपिफोर दड। फारसेथि मोनसे मासिया एआइइउडिफ आरो गुबुन मोनसेया उदां बिजाथिनि आखायाव दड। फारसेथि 126 सोद्रोमा गोनां बिधान सभायाव बिजेपिनि सोद्रोमाफोरनि अन्जिमाया 61 दड। बेराफारसेथि बिजेपिनि हेफाजाबगिरि अगप आरो इडपिपिएलनि फारियै सा 9 आरो सा 7 एमएलएफोर दड। बेरेखा दोलोफोरनि गेजेराव कंग्रेसनिया सा 27 आरो एआइइउडिफनि सा 15 सोद्रोमाफोर दड। बेफोरनि अनगायै बिपिएफनि साथाम आरो माकपानि सासे एमएलए आरो सासे उदां हान्जानि एमएलएबो दड।

आं 17 बोसोराव माववो हायै डाबुल स्पिड ब्रेकारखों प्रमद वर'आ ब्रै बोसोराव गायसनबाय: हाग्रामा महिलारी

बियाबाव बिपिएफ दोलोया देरहागोनआ रोखा होन्ना बिथाड बुजे। खौरंगिरिआ गिबि मन्थि हिमन्त बिश्व शर्माआ सिरियै हेफाजाब होगोन नामा होन्ना सौथि सौनायनि फिनायाव बिथाड बिपिएफ दोलोनो रबनिबो मदत नाड होन्ना फोरमायो। लोगोसे दलगावनि एमएलएआ हेफाजाब होनो सिगांनायखों दोलोआ बरायदों होन्ना बिथाड बुजे। महिलारीआ बुजेदि, प्रमद वर'आ गावनि वर' हारिनि आइजोफोरनो गावसुंथा हान्जानि मुडै रान्ना होनाय चेकजों रं मोना। गावनि हारिनि आइजोफोरनो ब्लेंक चेक थगायदों। वर' आइजोफोरखों थगायनो हायो मुसलमान, कच-रजबंशि, आदिबासिफोरखों मानो थगायनो हाया। प्रमद वर'आ वर' रावखों लानानै राजखांथि गेलेगासिनो दं होन्ना महिलारीआ बुजे। बिथाड दर-उदालगुरि लकसभा बियाबाव एआइइउडिफनि एमएलए मगिबर रहमान आरो तृनुमुल कंग्रेसआ बिपिएफ दोलोखों हेफाजाब होनो सिगांनायखों साबायख'र जासिहरानै कक्राझार आरो दर-उदालगुरि लकसभा बियाबाव बिपिएफ दोलोआ से नम्बरव थागोन होन्ना दाबि खालामो। बिपिएफनि दैदेनगिरि खनिन्द्र ब्रह्मआ दैदेन्याय मेलाव मिरुनि दैदेनगिरि बेगम आखतारा आहमेद आरो लाइमोन बिपिएफनि आफादगिरि रिन्जय वर'आ इडपिपिएल दोलोखों गोखों रावजों सांखारिआनै फैगौ समाव बिपिएफ दोलोआ सरकार दागोन होन्ना बिपिएफ दोलोखों हेफाजाब होनो थाखाय राइजो-राजाफोरखों खावलायहरो।

जरेगावयाव बिहु-बिषुवा फालिनो लाहार-फारा, बान्जाय आफाद दादों

फालिजानो गोनां आंगोनो फोर्बेखों जाफुसारे फालिनो थाखाय आथिखालाव रजिब कुमार रायखों आफादगिरि, नब'कुमार राय आरो जतिन रायखों लेडइ आफादगिरि, रिजु प्रसाद रायखों नेहाथारि, धन्जित रायखों लोगो नेहाथारि, अर्जुन रायखों हारिमु, सिरिन्जत रायखों गेलेमु आरो धनिराम रायखों लोगो गेलेमु नेहाथारि महैर लाना मोनसे गोखों बिहु-बिषुवा सामलाय आफादखों दानाय जायो। गामिनि जर'खा-गागि सुबुं सिद्देश्वर रायनि आफादगिरि मासि सामलायनायाव बे आफादखों दानाय जादों। मख'नो गोनांदि, ओन्सोलनि बासुगाव, काकारगाव, तिनाली बायदि जायगाफोराव बिहुनि अनगायैबो राजाचारं, शाकाति, खालिफुखि, कावनियाभाषा, सालाकाटि, डिमलगाव, चन्द्रपार, बालागावयाव बिषुवाजों लोगोसेनो हरिगाव, कुर्साकाति, खाग्राराबारि, डांटल, सन्नायधाम बायदि जायगायाव वर' हारिनि रंजालि बैसागुखों गुबुन गुबन हाबाफारिजों फालिनो साखा-फारा जादों होन्ना सुलुडव फोरमायदों। मख'नो गोनांदि, गोजाम आफादफोर थानाय खेबयाव सरकारनिक्राय 1.5 लाख रनि रंखाथिथारि अन्सुंथाय मोन्नायनि अनगायैबो बे खेबयाव खाबुखों मोन्ने हागोन आरो मोन्ने हाया बेखों बान्जाय आफादफोरा रोखा जागोनखों थि सान्ना लायाखै।

दुलाराइ बर्मन कशारि जातिय ऐक्य मन्वनि खौरांगिरि मेल

बिजेपि दोलोनो बिजाथि दिलिप शइकिया आरो कक्राझारनि इडपिपिएलनि बिजाथि जयन्त बसुमतारिखों हेफाजाब होनां 3 बोसोरनि प्रमद वर' दैदेन्याय जुथाय हान्जानि सरकारआव गोजोन गायसनजादों होन्ना बुजे। लोगोसे बे सरकारनि समाव एपिएससि-इडपिएससि मोन्ने हादों आरो गुबुन गुबुन सरकारि बिथारिजों लोगोसे गासैबो खाबुफोरखों मोन्ने हादों बेनि थाखायनो दुलाराइ बर्मन कशारि जातिय ऐक्य मन्वआ बिटिसिनि मोन्नेबो बियाबाव हेफाजाब होगोन होन्ना बिथाड खौरांगिरि मेलाव फोरमायो।

सालवारिआव सारअन्थाइ गावनायजों सासे उन्दै हिन्जावसानि जिउ गोमादों, गुबुन सानै जोखोम

थिसनैहैयोब्लोबो फाहामथाय होनाय समाव इयासिमना खालुनि जिउ गोमायो। गुबुन फारसेथि, गोब्राबै जोखोम जानाय आबुल मान्ना आरो हालिम उदिनखों बरपेटा फाहामथाय फरायसालिमा देहा फाहामसालियाव थिसनहैनांनै फाहामथाय होगासिनो दं होन्ना मिथिनो मोन्नाय जादों।

सनम वांचुकआ उखैहाब सोमावसार-नायखौ फोजोबना लाबाय

गुवाहाटी, 26 मार्च: बलिउडनि '3 इडियटस' सावथुनखों थारैनो गोसोयाव दं जानांगो। बे सावथुनआ लादाखनि सासे मुंदांखा आबहावा मावफारिया आरो सोलेंथाय फोसाबगिरि सनम वांचुकनि सायाव बानायनाय जादोंमोन। जेव्हा सावथुनखों फोसावनाय जादोंमोन बे समाव दावराव-दावसिबो जादोंमोन। मख'नो गोनांदि, सनम वांचुकआ थानाय 21 साननिक्रायनो संखि-गोबाव दैनि अनगायै जेबो जायाखै। बिथाड लादाख राइज्योनि मानखों लाबोफिनो आरो हिमालयनि आबहावा खान्थिखों रैखा खालामनो थाखाय उखैहाब सोमावसारदोंमोन। बे समावनो बिथानि देहा थासारिया गात्रि जालादोंमोन। नाथाय गाहाइ मन्थि नरेन्द्र मदि दैदेन्याय मिरु सरकार बिथानि बाथाखों खोनासडाखैमोन। जोबनायाव बिथाड दिने मंगलबारखालि गावनि उखैहाब सोमावसारनायखों फोजोबना लायो। नाथाय एसेबां गोबाव समसिम उखैहाब सोमावसारबाय थानाय दाबिनि थाखाय जुजिलांबाय थागोन होन्ना बिथाडा बुजे। लादाखनि आबहावाखों रैखा होनायजों लोगोसे लादाखनि सुबुंफोरनि



राजखान्थियारि मोन्थाय आरो संबिजरारि रैखाथिनि थाखाय आं नाजालांबाय थागोन होन्ना बिथाड बुजे। मख'नो गोनांदि, थानाय 2019 माइथायनि 5 आगस्ट अक्टखालि मिरु सरकार आगुनि जम्मू-काश्मीर रायजोखों दरनै बाहागोयाव बोखावनानै जम्मू-

जाना थागोन होन्ना मिरुआ मिबथिहोदों। दिनेनि सानावनो वांचुकनि उखैहाब सोमावसारनायाव गोनांथि होनां गुबुन-गुबुन ओनसोलफोराव रोजा-रोजा सुबुंफोरा ज' जादों। बिसोरो वांचुकजों खौसेथि जानायखों फोरमायदोंमोन। मिरु खुंथाय ओन्सोलनि आइजो आफादफोराबो बुजेदि, आथिखालाव गावसोरबो बे मोनसे दाबिजों उखैहाब सोमावसारनाय जागायगोन। वांचुकआ लादाखखों राइज्योनि मान होनायजों लोगोसे संबिजरिनि द'थि फारिलाइयाव सोफादेरनो दाबि खालामदों। संबिजरिनि द'थि फारियाव हादोतनि जनजाति ओनसोलफोरखों हा-हुनि रैखाथि आरो गावखुंथायनि रोखाथिखों फोरमायदों। थामहिनवा, फारियाव सोजानाय ओनसोलफोराव जनजातिफोरनि अनगायै रावबो हा बायनो हाया। सनमआ लेह आरो कारगिल जिल्लाफोरनि थाखाय आलादा लकसभानि मासि हास्थायदोंमोन। सनमआ हा-हु आरो साखिनि जुनिया मोनथाय आरो पाब्लिक सार्भिस कमिसन दानो दाबिबो खालामदों।

चापरनि रडामातिआ खासि-बिसि बुथारनाय जाथाय

चापर, 26 मार्च: धुबुरि जिल्लानि चापर पुलिस थानानि सिडाव थानाय रडामातिनि जुगलिकान्दाआव दिने मोनाबिलियाव फिसायआ गावनि बिसिखों दानथारनाय जाथाया ओन्सोल नाडैनो सोमखिखानाय थासारि सोमजिहोदों। जाथायनि बादिब्ला शचलपारा नैथि खोन्दोनि जुगलिकान्दा गामिनि थागिरि साइदुल रहमानआ दिने मोनाबिलियाव गावनि बिसिखों सिखाजों दानथारनानै खारखुमा लाडे। उनाव गामिनि राइजो-राजाफोरा जाथायथिलियाव नुजाथिहैनानै पुलिसनो खौरं हरो। चापर पुलिसआ जाथायथिलियाव



नुजाथिहैनानै संदान्नायखों जागायजेनोब्लोबो बे खौरंखों लिरनाय समसिम खारखुमानानै थानाय दायनिगिरि फिसाय साइदुल रहमानखों पुलिसआ हमनो

हायाखैमोन। गुबुन फारसेथि, गोलाव समनिक्राय नख'रआरि दावराव-दावसि जाबोबाय थानायनि थाखाय बे खासि-बिसि बुथारनाय जाथाय सोमजिदों होन्ना गामिनि सुबुंफोर सन्देह खालामनाय फोरमायदों। मख'नो गोनांदि साइदुल रहमान आरो नाजनि बेगमनि सासे 5 बोसोर बैसोनि फिसाज्ला दड'।

सुंद सल'

श्री मिथिंगा बसुमतारी

गोसो थोबाय

आं जेव्हा आलांगी बाजारवा बेराय हैबा आलांगि बाजारवा बेरायै बेरायै बेरायखानाने फेनोसे समाव सासे सिखाखौ थाब आनि मेगना नोजोर होसननायसै। लोगो लोगोनो आं आनि लोगो सासे लेरक होननायनाय सौनायसै। ए नों बै सिखाखौ सिनायो नामाब्रा? अब्ला बियो बुनायसै सिनाया माथोब्रा। अब्ला आरो आं गामिखौबो सौबावनायसै? अब्ला बियो हां खुनसेयेनो बुनानै फोजोबनायसै। गामिआ जरानफुरलै नामा सेलिना बेखौ नों सिनाया नामाब्रा होननां। लोगो-लोगो सिखायाबो दसाथि थानायसै आरो जोंबो सायकेलजों सनाफुर होननां दावबायनायसै। न'आव सफेनानै आं न'आवनो थानो सुबु फैयाखिसै। खालि जानाय लौनाय जिरायनाय सुग गैला। खालि आनि मेगनि नोजोराव बे सिखा सेलिनानि महारल' जाखां फैबाय थयो। माव्हा आलांगि बजारआ माव्हा सौफैबावगोन बेखौल आं सानबाय थानायसै। आलांगि बाजार बुध बाराव जायो। मा जालांखो आनि गोसोआ आलांगि बाजारखौ बावनो हायै जालांसिनबाय। सानबाय आं गोसोजों गोसो बेनो नामा मोजां मोननाया मोजां मोननाय नडब्ला मानोथो बे अनजालिखौ हर सान गोसो खांबाय थयो। बे बायदिनो समा थाडे बोथोरा सौफेयो। सानसे खालि आलांगि बाजार खाथिआवनो जाम्ब्रि जरा होननाय गामिआव बिहामजो रानि सिनेमा जानायसै। मोना-मोना आंखाम जाखांग्रो मोना आं आमोखिखौ नुगौबा नुगौबा आसायै आं आखाय सुसा स्लाबमोना लामफेथा होबोनायसै। थाख थिख आं बे सिखलानि गामिनि नो लोगो मोनसन हैनायसै, लोगो मोननायजों जाबजों आं गोसोखो दार खालामनानै आं बे लोगोजों बेरायनायसै। बेरायनाय समावनो थाख थिख आनि मेगनि नोजोरा जेखौ हास्थायदों बेखौनो लोगो मोननायसै लोगो लोगोनो आं आनि लोगो आनु होननायनाय बुनायसै ए जाम्बा होनैनो नोमबाजैआ। अब्ला बियो बुनायसै अवे बैलाय जाम्बा बै गुफुर आ। ए सोर फाग्ला जालांगोमिसो। नामा सेलिना। अब्ला बेनाव सौबावनायसै। अबहाय मा क्लासआव हाबो? अब्ला बियो सौनायसै बिसमुरिआव ख्वास सेभेनाव हाबो। नाथाय आनि गोसोआ माबुंगोन मा मागोन रायथिनो थिनफलांनयसै। ए सेलिना बै मिथिंगाया मोजां मोनोदा। अब्ला सेलिना गुदोंमोन सोर मिथिंगासि बिला अबेसि। बैलायब्रा बे खानाय गोलावा। अब्ला बियो बागदावनाय गाराडे बुनायसै आथैव मा असुर हारिथं माथां खानायसि बिलाय नामालाय माथो मोजांथार नाथाय खानायलाय एसे गोलाव। अब्ला मिथिंगाया दखानाव गय जाफलानानै थागासिनोदंमोन। आरो सेलिनाया उनाव सौबावनायसै मा गामिनि बिलाय? अब्ला अनुआ फिननायसै सनाफुरनि। लोगो लोगो बियो मिथिंगाजों फेफिननानै मिथिंगानि सिगाडव फैनानै फोरमाय फेनायसै आरो बुंफेनायसै ए मिथिंगा। अब्ला आं बुनायसै मा? मा होना? मा...मा होनाखानाय गोलावखौनो गिदों नोंखौ। अब्ला मिथिंगाया बुनायसै आं खानायखौ सिनजा नोंसिगोदं ना? औलै फाग्ला सिनजादो। बे बायदिनो मिथिंगामोन रायलायफुबाय थानाय समावनो बिहामजो रानि सिनिमायाव थिखित होनां सोहोबायमोन। मालाय सेलिना मोनहा थिखिर दानानै हाबबायबो। मिथिंगा मोनहाबो सानैजों थिखिर दानानै हाबहेनायसै। बे बायदिनो सिनिमायाव्हा मा बायदि माबायदि नुखो गरमजों जाबजों सेलिनानो गांसे लाइजाम लिरनानै हरनायसै। सेलिनायाबो लाइजामखौ आजावनायसै। उनाव सान्थामसो थानानै सेलिनायाबो बिनो लाइजाम हरफिननायसै। मिथिंगाया सेलिनानि लाइजाम नेनानै गासिबो दिनफोरखौ थोजोबनाय बायदि मोनबायमोन। नाथाय सेलिनानि लाइजाम मोननानै गोजेनो थाबाय थाबाबो बहा गोजेनानै थानो मोननो मोनसे गोरोनथि दंबावोसो सेलिनायादि बुहरदों खानाय सिनजा बासो नोंखौ आइ लाभ इउ होननो हागोन होननानै बुहरनाय राव दंखा बावोसो। अखा नायै मिथिंगाया खानाय सिनजा नो होननानै बा रं लानानै थानायसै। गोदो गाव सिनजाबाय थानाय समाव 5 रं जोंनो खानाय सिनजानो मोनो साननानै सिनजा हैनायसै नाथाय खानाय सिनजानायाव दा 10 रं नांसिगो। बे बायदि मिथिंगाया हाजामजों जि रं लानायनि माथा दोला लायनाय बुलायलायना फेबाय। खमैबो मिथिंगानि खानाय लानाया 5 बोसोर जाबायमोन बिनिखायनो बियो खानाय हानायनि दामफोरखौ मिथिया। बे बायदिनो मिथिंगाया खानाय सिनजा खानायनि अखा नायै लाइजाम गांसे आलांगि बाजारवा लोगो हमनायनि लाइजाम हरनायसै। जैरै -खोथा होनाय एरै सेलिनाया लोगो हमनो आलांगि बाजारवा थाहै नायसै। आरो मिथिंगायाबो साइखेल लानानै आलांगि बाजार फारसे दाब्राय बोनायसै। लोगो हमलायलायनानै बेसोरो सानैजों आलांगि बाजार खाथिनि सामखा दै होननायनि मोनसे दैसानि बिफां सेराव बिसोर सानैजों गोबां मोजां गात्रि बाध्रा रायलाय जेननायसै गोसो थोलाय जेननानै लोगो हमलायनायाथ ओंखायनो सानैबो एसे असु खुनु जालायदों। बाथाखौ मिथिंगायानो जुरि जेननायसै सेलिना नों आंखौ दामुगैदे। सेलिनायाबो सासु मासु गुरै अननाय गाराडे बुनायसै आं जेव्हाबो नोंखौ बावनो हाला आदा। आंहा जोनोमाव एबा जोनोमनिक्राय रावबो अनजालु मोजां मोननाय गैयामोन। दिने नों आंखौ नोंनि जिउनि होननानै लाबाय। मिथिंगाया बुनायसै आं नोंनि थाखायनो राव फाग्ला फागिल बो आनि खानाय लानायखौ सिनजा होनो हायाखैमोन। नाथाय दिने नों अनजालिआ आनि खानायखौ सिनजा होबाय। आं समाय लायो सेलिना आं नोंखौ थैब्लाबो बावनो हानाय नंला मिथिंगाया समायलायो। सेलिनाया बुजे नंगौना आदा। मिथिंगाया सेलिनाखौ गावनि दुंबुद बिखायाव गोबानानै लायो। सबा सब खुदुम लायो। बे दिननिक्रायनो मिथिंगा मोननि मोजां मोनलायनाया मोख्हां महर लायो।

अक्षय कुमार आरो टाइगर श्रफनि सावथुन 'बड़े मियां छटे मियां' आ मुखा गान्नाय भिलेनजों मोगा-मोगियाव फैगोन

अक्षय कुमार आरो टाइगर श्रफनि सावथुन 'बड़े मियां छटे मियां' नि ट्रेलारा रिलीज जाबाय। गोबाव समनिक्रयनो सानैबो सितारफोरा ससियेल मेडियायाव गोबां दावराव-दावसि खालामगासिनो दंमोन। माब्लाबा सावथुननि बीटीएस आरो माब्लाबा सावथुननि मेथाइफोरा सुबुंफोरनि गेजेराव रंजानायखौ बांहोदोमोन। सावथुननि टीजरखौ नायखानायनि उनाव सुबुंफोरनि गेजेराव जोबोद गोसो गुदु जादोंमोन। दायो ट्रेलारखौ नायखानायनि उनाव सावथुननि थाखाय अनसायगिरिफोरनि गोसो गैयैया आरोबाव बांबावनो थांगासिनो दं। ट्रेलारनि बायदिल्ला, 'बड़े मियां' अक्षय कुमार आरो 'छटे मियां' टाइगर



श्रफखौ भारतखौ सासे मुखा गात्राय सुबुंनिक्राय रंखा खालामनो मोनसे मिशनआव नुनो मोनगोन। पृथ्वीराज सुकुमारनआ एक्शन थ्रिलरआव गाहाय भिलेननि फाव खालामगोन। ट्रेलारा कमलेनि गोबां हाइ-अक्टेन एक्शन सीक्रेंस आरो भिजुयेल

इफेक्टफोरखौ दिन्थियो। ट्रेलाराव रनित रयखौ अक्षय कुमार आरो टाइगर श्रफनि कमान्डि चीफ महरै दिन्थिनय जादों जाय सुथुरखौ फेजेनो थाखाय गावनि साबसिन मावख 'गिरि अक्षय आरो टाइगरखौ थिसनो। बेनि अनगायैबो अलाया एफआ

ट्रेलाराव सासे टेकनि। बेजों लोगोसे, मानुषीआबो बे मिशनआव अक्षय आरो टाइगरखौ हेफाजाब होनो थांगासिनो दं। बेनि अनगायैबो सुनाक्षी सिन्हाखौ सासे रबट महरै दिन्थिनय जादों। 'बड़े मियां छटे मियां' आ मोनसे एक्शन पेकड सावथुन जानो

थांगासिनो दं। बेखौ आली आब्लास जफरआ बिथोन होदों। बे सावथुना इदआव सिनेमा हलफोराव रिलीज जागासिनो। सावथुननि गासैबो स्टार कास्टआ बेनि फोसावनायाव गोसा गोसा नांथाबानाई दं। मानुषी, अलाया एफ, अक्षय कुमार, टाइगर श्रफ, सुनाक्षी सिन्हाजों लोगोसे साउथ स्टार पृथ्वीराजआ सावथुनाव गाहाय फावआव दं। अक्षय कुमार आरो टाइगरआ सावथुनाव गोखों एक्शन, फाइट सीक्रेंस आरो गोबां मसलाफोर लाबोगासिनो दं। अक्षय कुमारखौ जोबथा खेब 'मिशन रानीगंज' आव नुनो मोननाय जादोंमोन। बे सावथुनाव बिथानि फावनि थाखाय गोबां बाखायजादोंमोन। थाबैबो अक्षय कुमारखौ सिंघम 3, वेलकम टू जंगल आरो हेरा फेरी 3 बायदि सोमोनांथाव सावथुनफोराव नुनो मोनगोन। अक्षय कुमार हा अनसायगिरिफोरखौ रंजाहोनो थाखाय मोनसे गोलाव लाइनअप दं। 'बड़े मियां छटे मियां' नि अनगायैबो टाइगर श्रफ आरो अक्षय कुमारनि जराखौबो 'सिंघम 3' आव जयै नुनो मोनगोन।

तापसी पन्नुआ थाबैबो जुलि जानो हासिगौ

बलिउडनि फावखुंफ्रि तापसी पन्नुआ आथिखालाव खौराफोरनि हेडलाइनआव दं। बेबी, पिक, मनमर्जियां, दुंकी बायदि सावथुनफोरनि थाखाय मिथिजानाय फावखुंफ्रि तापसी पन्नुआ गावनि अनजालु माथियास बयखौ जुलि लाबाय। सानैबो गोबां बोसोरनिफ्राय सानैजों डेटि खालामगासिनो दंमोन। बबेखानि बिसोर सानैनिबो जुलिनि सावगारिफोरखौ दासिमबो फोसावनाय जायखै। हालदैं-ककटेल बायदि फांसनफोरनि सावगारिफोरा थारैनो नुजाथिदों, जाय बेयो फेनफोरनि गेजेराव दावराव-दावसिखौ बांसिनहोदों। बुंनाय जादोंदि, तापसी पन्नु आरो माथियास बय सानैबो सनिबाराव उदयपुरआव जुलिनि रादाय खादों। रिपर्टनि बायदिल्ला, जुलिनि हाबाफारिया बुधवारनिफ्राय



जागायदों। बे फोरबोआव बिथानि नखरनि सोद्रोमाफोरजों लोगोसे खाथि लोगोफोराबो बाहागो लादोंमोन। तापसीजों लोगोसे थपडु आरो दोबारा आव खामानि मावनाय फावखुंफ्रि पवेल गुलाटीआबो हाबायाव दंमोन। अनुराग काश्यप, जाय तापसीनि मोजां लोगोबो, जुलि फोर्बोआव बाहागो लादोंमोन। बे हाबाफारियाव स्क्रिन लिगिगि कनिका डिल्लन आरो हिमांशु शर्मायाबो दंमोन। सावगारिफोराव मोनसे समायना रिसर्टखौ नुनो मोननाय जादों, जेराव उनर्थि फिसा फिसा

हाजोमाफोरबो नुनो मोननाय जादों। खौरां बायदिल्ला, तापसीआ बे समायना जायगायाव जुलिनि नेम-खान्थिफोर खालामदों। जुलिनि फांसनफोरनि गोबां सावगारिफोर नुजाथिदों। बे सावगारिफोराव तापसी पन्नु आरो बिनि अनजालु माथियास बयखौ नुनो मोननाय जायखै नाथाय लोगोफोर आरो नखरनि सोद्रोमाफोर सानैखौबो जयै रंजानाय नुनो मोननाय जादों। हालदैंनि सावगारिफोर नुजाथिदों, जेराव तापसी पन्नुनि बिनानाव शगुन आरो फंबाय

नवाजुद्दीन सिद्दीकीआ फाथैलाइ बिसिनयनि उनाव बिसि आलिया भट्टजों लोगो जादों



नवाजुद्दीन सिद्दीकी आरो बिथानि बिसिनि गेजेराव जानाय गोरोबलायैखौ रावनिफ्रायबो दोनखोमानाय जायखैमोन। बिसोर सानैबो ससियेल मेडियायाव खुलायै रायज्जालयदों आरो गावजों गाव गाज्जि दाय होलायदोंमोन। सानैनि गेजेराव नंज्जालयनाया ओरैबादि बांदोंमोनदि, बाश्राया बिजिरसालियाव सौहैबायमोन। फारसेथि, आलियाया फाथैलाइ बिसिनयनि गसर थिसनदोंमोन आरो गुबुन फारसेथि बियो गावनि गथ'फोरजों आलादायै थानो ह्मदोंमोन। बे गासिबो दा-थे-बिदा-थेनि गेजेराव आलियाया 'बिग बस अटिटि-2' नि बादायारि जादोंमोन। दायो आलियाया मोनसे पस्ट सेयार खालामनानै सुबुंफोरखौ सोमोनांहोदों। बे पस्टखौ नायनानै ओरैबायदि

मोनोदि, आलिया आरो नवाजुद्दीन सिद्दीकीनि गेजेराव फिन खेबसेबाव गोरोबलायबाय। आलियाया नवाजुद्दीन सिद्दीकीखौ जाग्रा आदार होयैनिफ्राय लानानै न'आव जोबथेसालियाव थानानायसिम गोबां गोब्राव दाय होनायनि दाय होदोंमोन। बिथाड गोबां भिडिअ'फोर बानायनानै फावखुं'गुरनि सनमानखौबो सिफायदों आरो सानैबो मार्च 2023 मायथाइयाव मावख'आरि महरै आलादा जादोंमोन। गासैबो थुनफावथायनि उनाव आलियाया दायो मोनसे पस्ट सेयार खालामदों आरो बुंदोंदि, बियो नवाजुद्दीन सिद्दीकीजों गावनि 14थि बोसोरारि फालिगासिनो दं। आलियाया सिगांनि सान थामहिन्ना समबाराव इनस्टाग्राम हेन्डलाव मोनसे भिडिअ पस्ट

खालामदों। बे भिडिअआव मोन्नै सावगारि दं जेराव आलिया आरो नवाजुद्दीन गावसोरनि गथ'फोर जों रंजानाय नुनो मोननाय जादों। बे सावगारिया गोदान बोसोरनि फालिथायनि। आलियाया बेखौ पस्ट खालामनानै कैप्शनआव लिरदोंदि, आं आनि सासेल' लोगोरिजों जुलिनि जिउनि 14 बोसोर फालिगासिनो। बोसोरारिनि हामलायनाइ थाबाय 'बिग बस अटिटि-2' आव आलियायनि दावबायनाया गोलाव नडमोन। बिथाड स्विनफ्राय ओंखारबोनायनि उनाव मोनसे गोदान जिउ जुरिजेनदोंमोन। बे समावनो बिथाड गावनि गोदान पार्टनर थामहिन्ना बयफ्रेन्डजों गोबां सावगारिफोर पस्ट खालामदों। बिथाजोआ बुंदोंमोनदि, बियो जिउआव दावगालांगसिनो दं। बे समाव आलियाया दायो गावनि बयफ्रेन्डजों गासैबो सावगारिफोरखौ डिजिट खालामबाय। बावैसो बिथाड नवाजुद्दीनबो बाखायदोंमोन जेराव बिथाड बुंदोंमोनदि, बिथां गैयैआव नवाजुद्दीन गावनि सानैबो गथ'फोरखौ जर'खा जोथोन लायो।

ह'लिआवबो 'मडगांव एक्सप्रेस'आ बक्स अफिसआव गोबां रां अर्जिदों

बलिउडआव गोबां फावखुंफ्रिफोर दं, जायफोरा फाव खालामनायाव गावसोरनि सोमोनांथाव रोंग'थिखौ दिन्थिदों नाथाय जेब्ला बिसोरो दिथागिरिनि मासिखौ सामलायो अब्ला बिसोरो बयखौबो सोमोनांहोदों। अजय देभगन आरो आमिर खान बायदि स्टारफोरनि उनाव फारिलाइआव



दायो ग' गोवा ग'न नि फावखुंफ्रि कुणाल खेमुनि मुं दं

जाय बावैसो एक्सेल एन्टारटेनमेन्टनि प्रडाक्शनआव

रणबीर कापुरआ 'रामायण'नि थाखाय रोंग'साफोरनिफ्राय बोर्ला गावनायनि फोरोंथाय लादों

'एनिमेल' सावथुननि उनाव रणबीर कापुरआ सावथुन 'रामायण' आव गावनि सोमोनांथाव आखुखौ दिन्थिनो थियायि जाबाय। बे सावथुननि सोमोन्दे गोबां आपडेटफोर फोसाव जादों। रणबीर कापुरखौ गिबि खेबनि थाखाय मोनसे फावआव नुनो मोनगोन जेराव बिथांखौ दिनेसिम नुनो मोननाय जायखै रणबीरखौ दायो गिदिर फैसालियाव भगवान रामनि फाव खालामनाय नुनो मोनगोन। नितेश तिवारीनि बिथोन होनायाव बानायजानो गोनां बे सावथुनाव साइ पल्लवीआ बिमा सीतानि फाव खालामगोन। रणबीरआ गावनि फावआव गोरोबनो थाखाय गोब्राव नाजागासिनो दं। सानैसो सिगां रणबीर कापुरनि ब्याम खालामनायनि मोनसे पस्ट नुजाथिदोंमोन जेराव बिथांखौ हेडस्टेन्ड खालामनाय नुनो मोन्दों। दायो फावखुंफ्रि फोरोंथाय सेसननिफ्राय आरोबाव माखासे सावगारिफोर ओंखारदों। भगवान रामनि फाव खालामनो थाखाय रणबीरआ गावनि बायदि गासैबो खामानियाव गावखौ आबुं खालामनो जेबो राहा गारनो लुबैया। बयबो मिथिगौदि, बोर्ला

गानायवाव श्री-रामनि जुनिया इसोरारि गोहो, बेनि थाखाय रणबीरआ गावनि बायदि मोनसे गोफार आरो आबुं बोर्ला बाहायनो सोलोंगासिनो दं। आथिखालाव 'बर्फी' फावखुंफ्रिनि फेन पेजनिफ्राय माखासे सावगारिफोर ओंखारदों, जेराव बिथाड बोर्ला गावनाय कचजों पज होनाय नुनो मोन्दों। बेनि सिगाडव फावखुंफ्रि मोनसे सावगारि फोसावनाय जादोंमोन जेराव बिथांखौ फेबाय थानाय मावथांखिनि थाखाय फोरोंथाय लानाय नुनो मोन्दोंमोन। रामायणनि थाखाय रणबीरआ खालि देहानि रवनि अनगायैबो सोदोब बिहुंआवबो खामानि मावगासिनो दं। नितेश तिवारीनि बिथोन होनायाव बानायजानो गोनां बे सावथुननि स्टार कास्टनि बाश्रा बुडेब्ला, श्रीराम आरो माता सीतानि फावनि थाखाय रवबो गुबुन मुंखौ थि खालामनाय जायखै। जिखिजायामानो, गुबुन आखुफोरनि थाखाय माखासे मुंफोरा थारैनो फेबाय। लक्ष्मणनि थाखाय रथि दुबे आरो रावणनि थाखाय 'केजीएफ' स्टार यशाआ सावरायगासिनो दं। बेनि अनगायैबो, अमिताभ बच्चननि मुख किंग दशरथनि थाखाय फैदों।

गाहाम देहानि राहा

उदैनि जेंनानि थाखाय पुदिना बिदैया मुलाम्फा गोनां

गोलोम बोथोर, जानाय-लौनायाव हेंथा, गोबां घन्टा गाव गेलेनाय आरो बाडइ दै लौनाय, हलीनि उनाव सुबुंफोरा गोबां समावनो बेफोर जाहोनफोरनि थाखाय बेराम जायो। बे फोरबोआव मिथाइ आरो जाग्रा आदार जानाया उदैखौ गाज्जि खालामो। आटाजों बानायनाय बेसादफोरा गेस, हजम जानाय आरो उदैनि जेंना सोमजिहोयो। जुदि नोंथाडबो बे रोखोमसे जेंनाजों मोगा-मोगि जागासिनो दंब्ला बेनि थाखाय खालि उदैयाव पुदिना बाटारमिल्क लों। नोंथाड बेनि बिदैखौ न'आवनो गोरलैयैनो बानायनो हायो। पुदिनाया उदैनि गासैबो जेंनानिफ्राय उदां खालामो। गेस आरो एसिडिटिनि जेंनायाबो बेनिफ्राय गोजानाव थायो। बेनि अनगायैबो आरोबाव गोबां लोंग्राफोर दं जाय उदैयाव रंखा मोननो थाखाय खामानि मावगोन। उदैनि दुंनायखौ बोखारनो थाखाय मिन्ट बाटारमिल्कआ मोनसे जोबोद गोहोम गोनां लोंग्रा एवा गाज्जि उदैनि थाखाय मुलाम्फा गोनां।



बेयो गेस, एसिडिटि आरो हजम जानायनि जेंनानिफ्राय रंखा खालामो। एखे समावनो गाइखेर लौनाया हजम जानाय आरो कनस्टियेसननि जेंनाखौ फोजोबसाडो। जदि हलीयाव उल्था जानायनि जाहोनाव कनस्टियेननि जेंनाया बाडो अब्ला फुडव फुंनि जानायाव गाइखेर लों। पुदिना बाटारमिल्क बानायनो थाखाय नोंथाड सादा गाइखेर लानांगोन। नोंथाड दहीआव दै होफादो आरो बेखौ मोजाडै गलाय आरो बेनि उनाव बेयाव हें, गोसोम सखि, जीरा गुन्दै हो। दानिया गोरान पुदिनाखौ गाइखेरव मोजाडे गलायना ला। जुदि गोरान पुदिना गैयाब्ला गोथां पुदिना बाय आरो बेखौ गुन्दै खालाम। दानिया

बेखौ गाइखेरव मोजाडै गलाय। मिन्ट बाटारमिल्कआ थियायि जाबाय। नों बेखौ लांदां उदैयाव लौनांगोन। नोंथाड बेखौ सान्जौफुनि जानायनि थाखायबो लौनो हायो। बेनि अनगायै उदैनि जेंनानिफ्राय बारग'नो थाखाय नोंथाड फुडव नालेंखेर दैबो लौनो हायो। बेनि अनगायैबो जीरा दैया गेस आरो एसिडिटिनि जेंनानिफ्रायबो रेहाय होयो। उदै गाज्जि जायोब्ला थारैनो जाग्रा आदाराव दहीखौ सोफादेर। बेयो बेक्टेरियानि समनथिखौ मोजाडे लाखियो। जुदि डियेरियानि जेंना दंब्ला गोमोन थालिर आरो ओंखामखौ जाग्रा आदाराव सोफादेर। बेयो नोंथांनि उदैखौ 1-2 साननि गेजेराव आबुडे थि खालामगोन।

वेब सिरिज 'आश्रम 4' आ रिलिज जानायनि लामायाव

आश्रम वेब सिरिजआ सुबुंफोरनि मोजां मोनसिनजानाय वेब सिरिज जानानै दं। बे स्व'आ बबी देअलनि केरियारखौ मोनसे गोदान दिथा होदोंमोन। बेनि जाफुंसारनाया बिथांखौ फिन सासे सितार बानायदों। दायो सुबुंफोरा बे वेब सिरिजनि गोदान सिजनखौ नेगासिनो दं जेराव बाबा निरालानि गोदान थुनफावथायखौ नुनो मोनगोन। गोबाव समनिक्रय अनसायगिरिफोरनि गेजेराव बेनि रिलिजनि अक्टेनि बागै सावरायनाय जागासिनो दं। बारलानाय सानफोरजों लोगोसे सुबुंफोरनि गोसो गैयैया बांगासिनो दं। ब्रैथि सिजननि थाखाय नेबाय थानाय अनसायगिरिफोरनि थाखाय भपा स्वामी थामहिन्ना चन्दन रय सान्यालआ मोनसे इसारा होदों आरो बुंदोंदि, सिरिज 'आश्रम 4' आ रिलिज जानायनि लामायाव। आश्रम 4 नि टीजरखौ गोबाव सम सिगांनो फोसावनाय जाबाय। बेबादि थासारियाव अनसायगिरिफोरा जोबोद गोसो गुदु जादोंमोन आरो बिथांमोनहा ह्मदोंनो हादोंदि, दायो स्व'नि फैगौ सिजनखौ नुनो मोनगोन नाथाय बानायगिरिफोरा दिनेसिम बेनि मावख'आरि रिलिज खालारनि सोमोन्दे फोरमायथि होयाखै नाथाय दायो चन्दन रय सान्यालआ बेनि रिलिजनि बागै रायज्जालयदों। हलिउड हांगामानो होनाय मोनसे मोगा-मोगियाव चन्दनआ 'आश्रम 4' नि रिलिज खालारनि इसारा होदों। चन्दनआ बुंदोंमोनदि, 'आश्रम 4' आ बे बोसोराव रिलिज जानो हागौ। फावखुंफ्रिआ बुंदोंमोनदि, ब्रैथि सिजननि माखासे बाहागोफोरखौल' सेबखानो थाखाय आद्रा दं। बेबादि थासारियाव बेखौ सोलिफु बोसोराव फोसावनो



हागौ। रिपर्टफोरनि बायदिल्ला, आश्रमखौ दिसेम्बरआव हगारनायनि आसा दं। दायो चन्दननि सावरायनायनिफ्राय बेयो रोखा जाबाय दि बेखौ दिसेम्बरआवनो फोसावनो हागौ। बे समावनो, चन्दनआ बुंदोंमोनदि, सुबुंफोरा प्रकाश झाजों बे स्व'नि सोमोन्दे रायज्जालयो। जेराव बिसोरो थाडो, बिसोरनाव बेनि फैगौ बोथोरनि सोमोन्दे सोनाय जायो। आं नोंथांनो खोन्थानो होयोदि, 'एनिमल'नि सिगां बबी देअलआ आश्रम फारिनिफ्राय मोनसे गुबुन सिनायथि मोनदोंमोन। बे दिन्थिफुंनारा बिथांनि गोरलैसोनाय केरियारखौ गोखैथि होदोंमोन आरो बिथाड मोनसे सोमोनांथाव फेफिफोरो हादोंमोन। बेनि उनाव बिथाड गोबां गाज्जि फावफोर मोननो ह्मदों। बे स्व'आव बिथाड बाबा निरालानि फाव खालामदों। दायो बिथांखौ थाबैबो सावथुन 'कंगुआ' आव नुनो मोनगोन।

बानायनाय सावथुन 'मडगांव एक्सप्रेस' खौ दिथा होदोंमोन। दिव्येन्दु शर्मा-नरा फतेही स्टार सावथुना सुबुंफोरजों जोबोद बाखायजादों। बयनिखुडुबो बाखायजानाय मडगांव एक्सप्रेसआबो बक्स अफिसआव सोमोनांथाव खामानि मावगासिनो दं। रबिबाराव मडगांव एक्सप्रेस

बक्स अफिसनि बुधुमनायखौ बानाय नुनो मोनदों। प्रतीक गांधी- दिव्येन्दु शर्मा स्टारर कमेडी सावथुन 'मडगांव एक्सप्रेस'आ बाखायजादों आरो लोगोसे समबाराव हलि जासेआवबो सावथुना नख'रारि बक्स अफिसआव गोबां रां बुधुमनो हादों। रबिबाराव मडगांव एक्सप्रेसनि फालांगिया गासै 2.8 कौटिमोन, जाय समबाराव बांदोंमोन। रिपर्टनि बायदिल्ला, कुणाल खेमुजों दिथाहोजानाय सावथुना रबिबाराव गासै 2.62 कौटिनि फालांगि खालामदों। मडगांव एक्सप्रेसआ मुलुगनाडैनो गोखैथिजों दावगालांगसिनो दं जानो हागौ नाथाय बाडय रंवावजानि नरा फतेहीनि फेस्ला सावथुना भारताव गोबां दावराव-दावसि खालामगासिनो दं। कुनाल खेमुजों दिथाहोजानाय बे सावथुना दासिम भारताव 9.67 कौटि रां आर्जिनो हादों। मुटुगनाडैनो, मडगांव एक्सप्रेसआ 9.25 कौटिसो रानि फालांगि खालामदों।

